


卅三



文苑英華卷第九百五十一

詩十

職官十三



滄州刺史鄭孝本墓誌一首

華州刺史李懷讓墓誌一首

明州刺史李長墓誌一首

處州刺史李公墓誌一首

饒州刺史趙郡李府君端墓誌一首

賀州刺史武府君玄墓誌一首

滄州刺史鄭公墓誌銘

孫逖

有唐之德讓君子曰原武男鄭公諱孝本字某滎陽開封人也父曰荊州松滋令乾瓚松滋之父曰大志祕書祕書

之父曰華州刺史襄城公諱某世有令德時稱華胄藩衍
 六姻阜昌百禄非夫緇衣之慶羔裘之仁平惠之勲厲宣
 之親則孰能光宗保族若斯之盛也公秉彝中和服義先
 訓孝惟不置友則因心敦詩以言習禮以立用此道也行
 於國施於政善氣潛暢清風高翔何嚮不可所居則化矣
 始以明經高第解褐潤州叅軍厥初奮庸克勤小物吏曹
 以文敏於從事也故與之縣授泗州虹縣令魯人稱之璽
 降焉衛人賴之碑頌立焉先大夫張文曜人之望也典
 掌台衡督課郡國以公謀疑作為第一且曰雖居下邑聲
 一無聞上累疑繇天下長吏樂以為式若占疑於龜筮如
 觀法於象魏矣特勅授蒲州虞鄉縣令理如故迹帝是

亦乃詔公為隴右道廉察使堪其事也又為本道使杜求
 仁特表薦以賢舉也制授朝散大夫雍州鄠縣令已而求
 淳大饑關輔尤甚能布其德而恤災人不離散下無捐瘞
 乃耕乃畝嗣歲以登時皇儲監國多公善政特賜考詞褒
 異睿文光被列郡榮之改懷州司馬歷夏州長史以母老
 乞罷官優詔換瀛州長史東表不寧也命公為平州刺史
 兼文使知營府度支營田刺郡實邊能成二事中土之作
 也命公為洛陽令又轉洛州司馬理煩佐劇為則四方尋
 以丁內難去職孳孳骨立人倫傷慟既練有制起復又除
 洛陽司馬公泣血固讓不獲已強拜禮從恩奪而睿由哀
 甚忝君之命有以知奉上之心執親之喪有以見過人之

戚臣子之道仁遠乎哉尋除具州刺史轉安西都護以疾
不堪詣部改授滄州刺史公自重拜洛師再臨河朔曾是
違閔常多移病隱几而敬讓興行閉閣而奸邪銷釋德敷
于下具丘多請禱之人功格于上滄海有卧理之詔老氏
云鎮之以無名之樸其在是矣聖曆元年九月以致仕終
於東郡之敦行里春秋六十有七凡束帶在位三十餘祀
聖京師訓郊甸惠華夏清朔漠九變復貫百度惟貞其養
人也寬而栗其行已也儉而一無孤無隔於外姻博施不
崇於內實蓋德行之具美而政事之首出壺遂深中未登
漢皇之相國僑遺愛遽感鄭人之泣公娶於王氏夫人曰
琅耶君公正二字疑員外令思之孫司刑大夫允壽之女

訓齊大作嬪韓樂淑慎威儀循守典禮雖責膺展狄而躬
事組紉有鷄鳴之賢有螽斯之盛自嬰晝哭遂契明因忘
心味禪悟理根善惣斯純懿貽厥高門宜錫難老何孤淨
德以開元十八年五月終於東都懷仁里享年八十有四
明年正月某日合葬於某所從先塋也嗣子尚舍奉御暉
之兵部郎中倩之洛陽令侃之皆保世之主也克荷三徙
之訓俱登五命之服養極其樂喪盡乎哀閔騫之人無間
言石建之門傳孝道復見茲矣詩曰釐爾女士從以孫子
原武有焉銘之下泉表是真宅銘曰原欠

華州刺史李公墓誌銘

常衮

天垂將星著在三象國有武柄寧于四方授鉞其難止戈
斯重定封豕長蛇之孽致攀龍附鳳之功朱戟在門黃金
橫帶命掌師旅化成公侯時有汧國公其人也公諱懷讓
字某蓋漢將軍陵之後自五將失道家留隴山千年于茲
因引貴族戎帳之下華風在焉奕葉相乘久雄朔北本枝
必復終茂隴西公則成紀人也曾祖廣壯武將軍右武衛
將軍祖忠雲麾將軍左金吾大將軍贈銀青光祿大夫太
僕卿父俱定遠將軍右驍衛將軍贈銀青光祿大夫秦府

都督積其勲望休有令名上將虎符延于三代列卿犀節

一作象榮及九原後嗣其昌吾門益大公生於陝右少以勇

聞重懸弧四方之事有長劍三軍之志去病籌畧不學兵
書賈逵兒童即陳部伍人許封侯之相時歸拜將之望安
危成已任取富貴於掌上一日千里豈徒然哉以良家子
選羽林卽騎射絕倫材官入侍射熊舊館戲馬前臺百步
應弦兩駮如舞便繁左右趨奉階闈姹疑作侯嘉漢市屬

皇室艱難王師巡狩侍執羈勒陪駕輿節時見危捧六
龍於岐下口陳天命從五馬於田中披荆榛而執爨冒風
雨而持蓋中原行在實掌禁戎領護鈞陳典司環列出入
警蹕肅清扞擐羽衛甚嚴軍容益振夜合捨壘曉開旌門

攢佳氣於月營橫大風于天仗始自靈武至于扶風險阻
屯蒙未嘗離上削平休泰終契興王從收京師首列勲舊
於是出鎮左輔建牙近關扼天下之樞走山東之盜三秦
巨防萬里長城闢屯田於斥鹵強士馬於撫弊仁以理軍
不聞半菽知能料敵豈在前茅兼牧人御衆之才得憂國
奉公之禮竹符兼剖鈴閣長閑百城歌之政有經矣公始
自一命驟更秩舉其大者不可備書歷臨彰府折衝射生
供奉後以佐命功特授鎮國大將軍左羽林軍大將軍知
左神武軍事加特進兼鴻臚卿左神武軍大將軍封沂國
公又加開府儀同三司克潼關鎮國軍使同華等州節度
使華州刺史使又兼御史丞試殿中丞尋拜御史大夫檢

校工部尚書並

一作兼

兼_兼皆務雲從龍風從虎以雄毅之果

遇聖明之主事與時並名與功偕位極文武權分中外勲
書甲令象列雲臺大丈夫特達有如此者不知者壽謂之
何哉廣德元年九月三日薨于華州軍府春秋若干天子
聞之輟朝興嘆特優命數寵贈司空詔發輅車即日迎柩
列辟卿士咸會喪焉贈賻襚含有加故事京兆尹監護內
謁者致以詞即以其年十月四日陪葬建陵旌勲臣也將
軍鹵簿司空法駕鉦車介士前後鼓吹觀者稱榮懦夫增
氣百官臨吊畢集孔光之門五校送喪直至御弘之墓君
臣之義厚莫重焉有子四人前光祿少卿林光等孝因天
性哀過禮經克紹臧孫之後咸稱文氏之子史臣奉詔謹

而誌之銘曰

有唐上將佐命通侯降神太白稟氣清秋弓落飛鴈劍衝
斗牛少年戴鶻上陌鳴騶綉衣朱褱越戟吳鈎入隨夜警
出從春蒐運屬艱難謀叅締構善行無迹大勇不闕三輔
功名五原恩舊家榮鼎食廟列金奏翠羽在庭紫駟填廐
寵私之盛誰出其右命所不與人之云亡萬乘震悼三軍
悲涼謁者歸賙群公會喪特陪玄闕未祔黃腸禮優同等
茂舊章碑題蟲篆用紀龍驤

明州刺史李公墓誌銘

梁肅

大曆七年冬十月甲子前明州刺史李公寢疾終于晉陵
之無錫私館嗚呼公諱長字某隴西狄道人其先自涼武

昭王玄盛七葉至皇朝工部侍郎岐州刺史義琛生吏部
郎中綰綰生蔡州長史贈宋州刺史某某生公公生而聰
明治左氏春秋舉孝廉初任貝州叅軍三遷至國子主簿
御史中丞盧弈司察旬服辟爲從事天寶十五年集作載大

盜覆東周弈死節公遁脫而南會求王璘都督江左諸軍
雅知公材將署于幕以畫公告不能無何璘果敗君子以
公爲知幾時肅宗在岐集有政字非朝廷擢良吏以慰郡縣不

限官次多即授印綬丞相常見素表公可用牧民詔攝安
州刺史考績旣成真拜均州治中遷鄧州康允之叛南土
大擾公會諸將以王命討不臣尺兵不喪凶黨大壞宛節
之間民到于今受其賜上方勤恤下民重二千石之任不

暇登公於朝由是歷隨曹婺三州三州輯寧徵傳韓王王
德既宣出爲梓州又換明州時越初靜瘡瘻未復公務穡
勸分人安懷之及其去也如奪乳育嗚呼公凡歷官一十
有四其剖符分憂者八享年七十其爲人也剛毅寬明惠
和而清所至之邦先以禮後以刑使人遷善遠罪而不知
其止君子曰古之良史也初公無胤子命兄子某爲後八
年十月某奉公之喪及葬於河南萬安山之陽夫人傳陵
崔氏秦州掾孝之女既笄而歸于我以宣慈恭順享年五
十先公而歿公爲明州之二年以夫人之喪反葬萬安至
是祔焉禮也夫惟天地之道可久若陵谷則無不遷也

銘曰

於惟公先寔曰庭堅作舜五臣爲唐八元周道不行伯陽
西遷晉失其政涼興勃焉武昭之孫宋州之子如珪如璧
如松如梓集作杞爰在下位令聞壘壘帝曰休哉命牧南鄙
在鄧有亂惟我行師寇戎既夷剖符于隨曹無罷人婺有
去思或傳或藩受命咸宜爰自東南薄言旋歸謂天聰明
胡不憖遺節彼萬安松栢九九倚歟齊姜同穴其間橫峙
惟崧旁流洛川銘勒金石永昭億年

處州刺史李公墓誌銘

前人

公姓李氏諱某隴西城紀人也字曰公受其先在晉霸西
涼在魏侯姑臧長發有光乃盛集無此字熾而昌五代集作世生
秦王府戶曹贈太子舍人某以恭德垂裕實公之大父水

部郎中眉州刺史某以宏材廣化實公之烈考禮部尚書
襄陽席豫以大名謚文實公之外祖公生而聰邁十六以
黃老學一舉登第十八典校弘文二十餘以金吾掾假法
冠爲孟侯俾湖南從事給事中賀若察宣慰南方請公爲
察佐其後宰東陽宣城二縣辟宣歙浙東二府府主崔侯
昭咨以小大之政由監察轉殿中侍御史建中初朝廷釐
飭百度高選尚書諸曹即拜公金部員外郎選吏部張鎰
集作鎰非節制大梁請公爲介授檢校吏部郎中兼侍御史使
輟遂退耕漚洛之間起家除陝州刺史換處州刺史累陞
至朝散集作議大夫爵隴西縣男既授代家于鄱陽享年四
十有八以某年月日遺疾捐館夫人武城縣君清河崔氏

生一女不亂公母弟曰丹有季方之賢茹哀問卜以某年
月日奉輜車歸葬于洛陽某鄉原禮也嗚呼當漢道之盛
賈誼董生桓譚馮衍皆以高才鉅名或位淪下國或廢落
田里夫豈不遭明時不識明主哉蓋運有通蹟事有離合
不可以一經集無此字理言也惟公有孝友仁謙集作謀之德文
學政事之美卓立不羈之才竟委遲半塗僻典荒服且乏
鄧攸之嗣而終管輅之年時歟命歟可爲慟哭者已始公
之孤喪過乎哀丁內艱也東陽之人飲集作飲公惠憫公荼
毒行泣集作助祭既除而止奉歸宗之姑惟敬與愛原闕

饒州刺史趙郡李府君墓誌銘 顧况

粵攷春秋叙事之實趙郡東祖源流甚長衛州刺史嘉祚
曾孫榮州刺史璿孫贈尚書即鈇子諱端字公表官由臺
省興元少尹少府監出泉饒二州刺史叅佐不書畧也貞
元八年秋七月終於郡署年六十一明年八月庚申窆於
鳳山之東原嗚呼神明無質君子能通其意以爲教本仲
尼闡教微言七十子揚大義去聖雖遠其七十子之季孟
乎至於饒禮將驅俗經以道俗饒之人始有講睦之聲上
員不吊織疑作織我渠喆昔桐鄉畜夫猶葬桐鄉桐鄉之人

皆祠之今饒之葬如此嗚呼列章載云精神天之父骸骨
地之父此言骸骨滅其精神不滅者何從心上變起而生
展促常讀衆聖之書上於釋典如川及海之無翻流蘧蘆
疑作爐父處奮迅泥滓宜諸精爽黜陟幽明亦由是也夫人
贊皇郡清河崔氏從其子拭盡力哀敬記石陵谷末質天
壤銘曰

蘭桂有叢以薰其風却鞞舊氏厥祖惟東吁嗟府君其命
不融精神本天不在乎地舊國飛魂新塋掩隧逝不可止
哀何不既

賀州刺史武府君墓誌銘 符載

武氏之得姓遠矣府君之世家貴矣左右僕射司徒太尉

尚書令楚僖王士讓之玄孫九江王弘度之曾孫納言司徒同中書門下平章事定王攸暨之孫尚書膳部員外郎徐州刺史勝之子外祖母爲玄宗皇帝之姑皇妣爲肅宗之姨豫章之根大天津之流廣穰華靈潤鍾于府君焉府君諱克字虛受墻岸魁峙操履堅峻蘊之文武辯有口才一作蘊文武盛材辯有口喜立名跡以排難拯時爲事業始以高廕補兩館生解褐授洪州南昌尉操利刃也次授潤州江寧尉馳驥足也自廣州司士掾轉陳州錄事參軍甲子歲蔡賊希烈叛猛用兇器逆師至于襄城遣裨將鄭貴以精卒一萬來逼我城焉刺史薛寶任公如臂指憑公如金湯顧虜成立陵呼嘯爲矛戟寇用懾息不得攻取井邑完固我之

勇爲俄而大梁陷茲地孤險實慮吞奪遂馳謁劉宣武不

免介冑而說之換兵鬪騎動如響答保安究竟我功

一作公

綽焉劉司徒嘉其威毅咨其策畫延致幕府以爲賓榮是

時希烈赫然東平勢雄或相寵亂以膏濟火公復驅皇華

之車接之以心膂論之以逆順張之以禍福示之以機宜

祕謀飛辯得走虜反掌之勢由是淄青致寧陵之師解陳

州之圍合匡君之力摧兇邪之氣破堅陣擒宿將平姦隙

結歡好誅逆將在茲一舉得不謂三寸之舌賢於百萬之

師乎司徒表其勲績亟聞乎闕下累遷尚書虞部員外郎

報功也無幾何丞相府除退歸鄭郊五六年間居易食貧

雖四方禮辟日至其戶不苟其所從也適值有士

一作者

文苑英華 卷之九百五十五
對其不答或用陰訕遂有臨賀之拜焉至郡教民以慈愛
易俗以禮讓達其志意通其嗜慾曾未朞歲大用治理嗚
呼南方氣炎春秋稍高冀遷元土養護餘齡居任凡六霜
竟困于足痺年六十九以貞元十八年夏五月丙戌卒于
官舍遺孤扶護以十九年秋七月戊子葬于榮澤之廣武
原禮也嗚呼才與命二者難并今古其猶病諸上帝實司
之爲之柰何以公之行業誠信宏才敏識宜躋上位利及
庶物而纔止尚書郎二千石牢落遠地竟至于殂纓紱之
士愁憤慨息可勝道哉夫人隴西李氏朝散大夫祕書丞
和光之女母儀陰教輝華士族先公數歲而歿至是而合
葬焉嗣子曰異曰典温厚謹良奉承家風茹荼毀漆勸中
子禮從子沈貳其窶窶之事以余爲舅之友也見托爲銘
曰
悠哉悠哉位不勝才一郡褊小六年徘徊逸翮徒張高風
不來炎徼墮落縉紳悲哀舊櫬新墳榮澤之隈冥冥鸞鳳
同棲夜臺

文苑英華卷第九百五十二

誌十八

職官十四

戴容州叔倫墓誌一首 崔饒州適墓誌一首

陸欽州叅墓誌一首 李郴州伯康墓誌一首

崔房州述墓誌一首

朝散大夫容州刺史戴公墓誌銘 權德輿

維貞元五年夏四月容州刺史經畧使侍御史譙縣男戴公至部之三月以疾受代回車甌駱六月甲申次于清遠峽而薨春秋五十八明年正月庚申返葬於金壇王京原之舊封宜叙世德以識幽窆云公諱叔倫字幼公本譙國人也其先在宋為公族於漢為儒宗東漢則司徒涉西晉則

有司農逮集作逵非下同逮後南渡始居丹徒八葉至宋臨湘侯

明寶明寶曾孫梁左丞嵩高玄孫皇德州司士好問公之

曾王父也王父脩集作循譽父脊用皆自縻天爵不顧翹車

傳次君之禮文盡通奧旨師安道之晦德尤惡知名故世

風純慶及公而發公早以詞藝振嘉聞中以材術商功利

終以理行敷教化師集作率履素王之訓周旋君子之儒淑

聲休問苾芬四暢初摳衣於蘭陵蕭茂挺以文學政事見

稱蕭門文本菁華而長於比興粲為集作焉采章集作焉鏘如

珩璫集作黃是鼓鍾于宮累辟大府分命於計相也則為湖南

河南留後自秘書正字三遷至監察御史曳裾於賢王也

則為湖南江西上介由大理司直轉至尚書祠部郎中其

人成化也則東陽一同之人沐旬歲之治撫人飲集作飲

三年之惠容人被踰月之教夔人聞詔而歡承訃而哀不

及蒙其澤歷官十一而雲安不書所至之邦必刻金石始

在轉運府也量則集作董賦於南荆會蜀將楊琳擁徒阻命詔

書告諭初革至集作無革志宵引鏡卒劫脅使臣曰歸我金幣

可以紓死公山立不撓勇生於仁端其詞氣強於師旅暴

叛知感乞盟於公黎明率其徒西嚮拜泣指京師臣列狀

六字集作指期天子召對而推功於府不伐其勞時談翕

然勇讓具舉其在臨川也清明仁恕多省費方畧蜀郡崇

儒之化南陽均水之法精力區處民以便安田壤耕闢獄

犴清淨居一年璽書褒異就加金紫未幾而有容州之拜

犴清淨居一年璽書褒異就加金紫未幾而有容州之拜

犴清淨居一年璽書褒異就加金紫未幾而有容州之拜

且都督集作智字府所治列城十三訓戎撫俗之任招徠式遏

之寄非通方明畧無以威懷蓋皇慈所軫先於柔遠方將

布愷悌於夷落致風俗於休嘉議者以九伯二南可跂而

至天則不弔末如之何君直清篤厚博物通理有大學之

明誠大雅之疏達靜如淵泉動如鏡干不緇不磷與令問

終始起布衣儒服位視方隅歸全之日纔具祭器去國見

麾幢之盛返葬備祔輶之儀列松楸於舊封展牲牢於新

薦哀榮之禮鄉黨稱焉初公娶京兆常氏末州長史采之

女繼室以博陵崔氏殿中侍御史殷之女皆淑明柔嘉不

幸早世胤子曰郅曰加年甫及亂哀如成人公仲兄新城

長伯倫以予夙承公歡且有遺託既不獲讓是用直書銘

曰

信都九江文禮章章百代彌光司徒佐漢司農匡晉乃熾

而昌世無違德時有通塞或行或藏克生容州貴為諸侯

其道直方政成中和播為頌歌化被二邦列爵疏土燦爛

龜組鸞聲鏘鏘宜享繁祉以媚天子今也則亡還葬故里

遷集作德山之趾德音不忘

朝散大夫使持節饒州諸軍事守饒州刺史上柱

國崔君墓誌銘 前人

博陵崔氏為東山右族以政事方直稱者曰饒州刺史諱

適字某貞元十四年某月甲子寢疾終于所部之廨舍春

秋若干君仁厚信實方嚴清厲詞無枝葉而顧言必踐交

不諂賣而與人必誠深於土行精於吏職蓋其天性然也
 一命為懷州叅軍累遷至大理評事司直監察御史好時
 武功二縣令常絳二州司馬乃理富平遂佐興元貞元十
 一年春以西諸侯之師轉粟調食特拜倉部郎中兼御史
 中丞以董其事其年冬徵拜衛尉少卿明年改鄧州刺史
 麾蓋將行文換鄱陽歷官十五竟未克量其為御史也賈
 常侍至以才名尹轂下實所慰薦為之賓介蔣常侍汎以
 公廉幹河運交辟將事弘助居多其宰封畿也縣鄙之地
 直于西郊禁衛之師勤于左次事為之節官修其方軍興
 人安闔境誣誦其佐晉陵也晉國韓公當撫封之重署為
 推官輅傳所至平反審克假守新定之人宜之薄於進取

未數月引去其領陵邑也克奉肅敬里閭均安集作黠吏
 強家望風累息相率屏匿者十八九其分憂為邦約已惠
 人樂易而知禁清明而不擾此皆歷職必聞之效也至若
 章章尤著為士君子之所景行者則奉使西土鄙能言之
 縣官以乘塞宿兵旌旄相望饋饗之重非君莫可就集作
 而經費出納制於中臺尅伐之人順非言利大率以布帛
 之不中於度不鬻於市者積以竄濫備其名物移用於軍
 增三倍之價平糴於人無一時之蓄掠是根本命為奇贏
 既衰邊備實蔽理道時有獲視誨其相蒙徒列簿書之文
 不登釜鍾之量因緣繆巧集作觸類而起君受命不苟臨
 事風生條其積弊盡達聰耳集作雖信信之吠營營之飛

置於度外不直不已連章上懇詞旨深切群情惴駭處之
恬然謝病乞告終無所屈皇明嘉納入亞九卿時縉紳之
士多以憑暴爲戒怵迫附離而不能自固者多矣如君之
特立剛毅不更其守古之儒行何以加之集作嘉焉此德輿所
以受其孤之哀請而不敢辭也君之曾祖玄基皇朝散大
夫會州長史祖紹先皇揚州楊子縣尉父炅皇大理司直
兼河南府河陰縣令代名土行裕是道烈初君娶于某氏
某官某之女生子曰包而歿繼室以某氏某官某之女皆
有淑行如君之志以十四年某月日叶用吉卜附窆於河
中某縣鄉原之舊封禮也初包以德輿朴而好直且嘗奉
行君之命書者四乃列其官簿次第俾識于墓石旣而包

毀瘠滅性天於倚廬之中諾其請矣故銘之曰

崔君之直兮不枉尺兮崔君之正兮不由徑兮展如之人
宜錫蕃祉兮天實奈何一麾遄已兮檐檐帷裳來自鄱之
陽兮峩峩立封葬于河之東兮刻此貞珉識清風兮

使持節歙州諸軍事守歙州刺史賜緋魚袋陸君

墓誌銘

前人

君諱叅字公佐吳郡人曾祖某某官考某某官君蚤孤與
兄隱居于越有佳山水率子弟耕汲於其中因集作日修桑
門之法櫛落人事貞元初兄旣歿始爲宗姻士友所強慨
然有應知己之心繇試佐環衛歷大理評事攝監察御史
秉行佐黔中又以殿中侍御史內供奉佐浙東凡四居憲

職介二方伯皆有直聲休利邦人宜之十二年所從既罷
 繼之者并至率以重禮禮君終不能屈非所樂而不苟合
 故也朝廷宗公賢大夫多悅其風十六年徵拜祠部員外
 郎居二年執事者上言其才請為劇曹會東方守臣表二
 千石之缺天子方加恩元元循責吏理面命執事曰誠如
 是姑使為郡須其報政廩以集作加好爵遂拜歙州刺史在
 途發瘍夏四月二十日三字集作景字卒於洛師享年五十五夫
 人河東柳氏殿中侍御史弁之息女才淑有賢行長子某
 年在羈貫嗣子某未離襁抱夫人既得吉卜具集作且以孤
 藐之詞請表墓於父友故鄙夫泣書於寢門之外而不讓
 云君峻而通直而和群而不黨至於流俗之齷齪細人之

婚息胥胥汲汲之態不萌於膺中器度夷遠英華發外君
 常無怵迫臨事有風節同心定交造次以之評議鑒裁精
 明不惑從善親仁發於肺肝文章弘朗有作者風格學不
 為人與古為徒嚮使登其年充其量束帶公朝其骨鯁魁
 壘之士與嘗與故虔州刺史隴西李公受故右補闕安定
 梁寬中今禮部郎中京兆常德符右補闕廣平劉茂弘祕
 書郎趙郡李叔翰方外士右諭德博陵崔公頴暨予友善
 戲夫相視莫逆行二十年洪範之儆好德儒行之遠相致
 今則已矣可勝慟耶時貞元十八年集作歲直鶉首秋七
 月甲子鏤堅石而銘曰
 皦皦陸生中和粹清直如朱紱潔如白珩或默或語不將

不迎如何斯人晻忽冥冥蚩蚩下輩戩穀或丁擘擘芳蘭
嚴霜飄
集作零命不可問死不可作
集作死嗚呼陸生

使持節柳州諸軍事權知柳州刺史賜緋魚袋李

公墓誌銘

前人

君諱伯康字士豐隴西成紀人自涼武昭王玄孫文穆公
冲爲元魏僕射司空與兄穆侯恭侯惠侯莊公中秉樞揆
外顯方國文穆公二子長曰廷實次曰休慕論道追命皆
至司徒蟬聯茂盛冠於百族君即叔氏司徒之後也曾祖
仲進皇宣州司馬祖僑皇河南府澠池縣令父愔皇朝議
大夫宗正丞贈濮州刺史三葉用晦仕不過郡佐縣令夫
與司宗籍而天爵崇茂士林嚮仰君以才實克家清方入

官始爲知己者所薦授閬州司倉掾轉下邳福昌奉先三

縣尉皆有能名建中三年調補御史臺主簿成奉未下以

太夫人寢疾歸侍藥膳明年丁內難
集作衣裳外除迫嚴

君子之命復調爲長安尉時王師清宮銓輅初復武人干

吏理轂下爲多事邑之細大必決於君每歲考績爲府中

最貞元五年再集茶蓼終喪猶毀不交人事屏居池陽以

耕植自業九年春西鄙不靖詔城五原以備邊鄜坊節將

選重賢佐以厚禮辟君實董塞門之役不愆于素抑有勞

焉拜監察御史轉殿中丞賜以章綬尋遷侍御史加檢校

工部員外郎九十四年徙官爲鄜上介伐謀而鄜之師以

律拆獄而鄜之人不寃十八年從守臣來朝行次中部所

從復於左轂護其輜輶以至京師庀具會事稱情中禮十
九年秋七月拜柳州刺史精力惠養蠲除煩苦導利省嗇
而人不擾廉平信厚而吏知方今相國左丞鄭君頃移佐
茲郡知君也熟泊入總綱轄盛推理行再筦宰政方圖陟
明斯言未復奄忽彫落時永貞元年十月某日甲子春秋
六十三悲夫君天資器幹機用強敏夷易疏通不移名聲
學尚周給集作洽而緣情甚集作其麗業履端脩而睦姻尤甚
時人多知君吏理過於文行唯故相太傅盧恭公今相國
左丞鄭君裒鄙人實知之而棲遲下國迫阨委化斯可歎
已夫人范陽盧氏宣城縣令灵之女華緒令儀執笄佐餼
先於君歿二十年矣嗣子盧氏縣尉操次子前明經兼支

于某等皆以孝謹而承訓義居集作君令弟長安主簿少安

請急喪集作喪事崩波勤遠自荆抵洛泣奉輜車以元和元

年某甲子葬于某縣某原之舊封君子曰於長安之兄之
喪有以見同氣之痛德輿以中外伯仲周知所履刻石紀
事朴而不誣銘曰

柳之政兮理平君之行兮廉清矧有深知兮秉國之成亟
言於朝兮將陟其明窘然符守兮奄忽冥冥育臆約結兮
未攄平生道途自遠兮廣柳芻靈風雨所交兮卜洛佳城
元龜是貞厚載是寧吁嗟乎內兄

房州刺史崔公墓誌銘

前人

公諱述字元明博陵安平人自東漢長岑長濟北相代擅

雕龍之美濟北五代至晉大司農弘司農八代至北齊右
 僕射昂僕射三代至公曾祖皇朝散大夫冀州武邑縣令
 諱紹大父同州白水縣尉諱頊烈考晉州汾西縣令贈定
 州刺史諱昇之代有文行懿德為北州冠族公夷雅溫粹
 安舒廉靜於座右銘得含元之妙於政論得理道之奧以
 之修身以之蒞官蓋家法積厚而公能踐之之故也始自
 宮衛試守未滿冠而為藍田尉已有嘉聞尋轉婺州浦陽
 令楊州兵曹參軍皆以吏理著稱故碎書交委命書隨之
 歷監察御史再為侍御史五字集作殿中侍御史實佐壽潭洪
 三邦車賦之重拊循輯睦繫上介是賴府遷于荆薦言于
 拜著作郎虞部員外郎論著奏議率循憲矩不毀方以

求合不游徑以取捷貞元十二年出為房州刺史承長帥
 剛嚴之理當輿師饋饑之殷暴征繼起煩言狎至而能推
 情廣身以裕勞人惻隱所被四封嘉靖十七年秋九月辛
 酉感疾捐館舍春秋五十七夫人京兆常氏承公宮之訓
 為女士之表允合姓二紀柔而正勸以義之道備焉其孤
 文伯武伯等學通禮籍姿性循至斬焉相視泣奉裳惟以
 冬十一月甲子柩葬于東都某原禮也初公仲兄左庶子
 安平公有重名於時安平所與游者公皆從而游焉故常
 與賢士大夫推集作古今世道博約論辯摭之於詞凡數
 千言因曰勝質之文吾所甚懼彼奔集作馳塞路者既不
 可遇又惡庸斐然之為耶遂輒削去其用晦如此行義醇

備慈仁任恤安平既即世伯兄繼歿猶子之解巾結襦先
 於已子故不舉火之日男未仕女未行其於疾則十起衣
 無常主雖伯魚稚春不能如集作焉群從族姻均祿直以
 賙其乏不結黨友不趨聲利常集作欲脩性息跡考一
 之樂而未克齒與位皆負其實奄然不淑為知者所歎建
 中初德興遇公于九江之西其後辱安平戴公集作之知
 於公獲南容之卷刻石志美不敢曼辭而實錄焉銘曰
 齊稱大風漢有文宗雋賢歲蕤以續昭融坦坦房陵勞謙
 孝恭優游祿仕惟道之從素履不華黃裳在中乃儀列星
 乃飾伏熊居易處厚有初有終魂氣杳冥諸孤哀恫圓蒼
 大蔡先遠攸同刻茲貞珉永賁立封

文苑英華卷第九百五十二

文苑英華卷第九百五十三

誌十九

職官十五

陳汝州利貞墓誌一首 鄭舒州甫墓誌一首

崔來州敏墓誌一首 鄧貴州墓誌一首

凌和州準墓誌一首 柳柳州宗元墓誌一首

汝州刺史陳公墓誌銘 穆貞

唐貞元五年秋七月汝州防禦使汝州刺史兼御史大夫
東都畿汝州都防禦左軍兵馬靜戎郡王陳公瓚發首已
酉命牙門將鮮于侍進奉書告辭元戎尚書安平公以受
恩忘死非其死為恨又命嘗同百戰之將王進達等十數
人以忠蓋王事為別又命嗣子少英以孝敬繼夫人為誠

庚戌歸于私第辛亥薨八月孤少英與家老故吏及龜筮
謀得宅兆于州東石樓山之陽辛酉葬公諱利貞范陽人
祿山之亂始自平盧越海歸國累建戎効從太尉臨淮王
光弼軍于河南寇攻睢陽垂陷大尉常遣心腹瓜牙之師
郝廷玉合諸侯之衆趨之公輒以輕騎赴如林之旅入其
腹出其背如颺如星庭玉奇公之才謂已不逮拔於行間
以其子妻之繩于臨淮列爲重將其後庭玉入備宿衛出
鎮河隴公實從之凡十遷大將軍太常卿太子賓客特進
開府靜戎郡王至御史中丞隴右都知兵馬使其所置者
皆如釋宋之事希烈之亂詔以哥舒曜爲汝洛節制俾公
之前隊佐之事疑作軍次汝墳不終日城拔又以次襄邲寇

軍大至公以馬步五百當強寇萬人立爲奇兵橫擊其右

兇黨退却

一作

數月不前襄下城守拒有備由此効也希

烈自統

二字一作空
又作自會

豺狼之衆至而圍合矢石雨下晝夜

不息外築塙道與城相屬公登陴捍敵身均士卒勞則先
之逸則後之凡不櫛不沐非以我事當見戎帥不下城者
七十餘日戎帥蒼黃自拔亂不能遏叛將庭芝謀害之者
數四陰爲之制使不得發俄而朱泚以關中僭逆凡幽薊
河隴之卒嘗隸於泚千里之外應之公與庭芝所統皆泚
之舊也庭芝果以其衆作亂公之麾下亦帶甲而從之中
宵難作公仗劔當轅門而立呼曰如有過此門者當殺我
而後過由是其衆定而庭芝逸故有專城之拜其爲州也

奉上一以不遠無下以不擾是以廉使盡其政疲人安其理
春秋五十有八前後歷官二十二封爵四從戎許國垂四
十年不須史忘忠敬之心不一日蹈汗染之跡起鼓鞞之
下登諸侯亞相與茂勲寵祿相與終始可不謂之大丈夫
之致乎安平公出涕之外餘有復慟疑作後有餘慟將吏等遑遑
相弔徃徃如在前夫人早夭後夫人隴西辛氏實大原節
度相國金城王之女鬢首頰血以庀喪具長子少英幼子
壬癸求懷陵谷見託為銘其詞曰

蒼蒼平原鬱鬱高墳下有泉戶永閉虎臣豈伊虎臣亦曰
賢守勤銘貞石示千古後

舒州刺史鄭公墓誌銘

前人

有唐循吏故舒州刺史榮陽鄭府君諱甫字某享年五十
有四歷官一十有二以貞元六年冬十月辛丑卒于東都
崇讓里十一月諸孤家老得請於元龜奉府君之喪歸
祔于祖實鄭州榮澤縣廣武原庚寅下其先吏足徵也十
代祖曄元魏建威將軍南陽公魏氏定五姓冠百族曄以
官婚人物甲子時選厥後歷周隋洎皇朝凡六葉至於魯
祖仁愷密毫二州刺史祖慈明銀青光祿大夫濠州刺史
考令璉銀青光祿大夫國子祭酒重名貴仕照燭相續府
君少以門資奉俎豆于太廟調習書判趨等擢祕書省校
書郎歷京兆府藍田尉大理評事二宗山陵詔求多士以
集大務攝京兆府戶曹叅軍畢事改授大理司直遷監察

御史實佐時宰充營田使判官轉殿中侍御史罷授尚書
祠部員外郎兼侍御史充宣歙青苗稅戶使朝于京師拜
和州刺史廉使今居守公奏課第一錫命屢降凡兩加特
階一賜金印紫綬且以借留之典副之後遷舒州刺史而
歷陽之積疑作績累載之美布於下車之初乃至訟不煩於
聽令不費於言賦調事理吏勸人逸初祭酒府君殞於鎬
惟王事世故洎龜筮之不叶未遑還葬至是累疏陳乞優
詔曰俞解印造歸遺孺于道哀哉夫人清河崔氏故中書
令趙國公圓之子也以地之貴天之淑致善乎府君之家
不幸早世殞于所次俟夫異日遷而合焉有子九人長男
曰適左衛率府倉曹參軍次曰奉方志于學未亂有女二

曰疑長適范陽盧士深妻未笄者四其執喪致毀長適
於禮幼如成人兄子前鄉貢進士權導諸孤之請見訪爲
誌嗚呼今方夏之內靡攻伐之患烝嘗所置在於富而教
之府君之生蓋明主歎息之所求也其歿也豈獨舒人和
人之相弔歟迹其二府已然之理可使太史公班孟堅之
徒從而紀之以及於後今也遺愛故事結于人之深者止
於輟春墮淚日月至而逝焉然則銘之於墓亦其次也銘
曰
生貴行道道貴及物苟有可稱其誰不沒猗歟府君政及
生人自我煦育二邦如春不知者命蓋至孔殛託體山河
與之終極

朝散大夫永州刺史崔公墓誌銘 柳宗元

維元和五年九月十五日壬子永州刺史崔公薨于位享年六十八已未殯于路寢庚寅遷神于舟以某年某月日歸葬于某縣某原祔于祖考吏部侍郎贈戶部尚書府君之墓尚書諱猗玄宗南巡內禪聖嗣府君以謀畫定命起一旅以復天下厥功載焉尚書之先曰貴鄉丞贈太常少卿府君諱子美太常之先曰揚州江陽集作都丞府君諱道禎行高位卑華冠士族公諱敏字某承世德之清源浚之以蠲潔以端其志采群言之枝葉植之以茂實以脩集作循其能始由右千牛備身佐環衛更蓋屋三原藍田尉仍有大故三從集作徒同位繼受許州臨潁汝州龍興令推以直

道二邑齊風哥舒曜尹河南鯨集作鯨寇猾驚黎人播越表

公為河南尉糗糧芻茭戎備畢給版圖田洫民事持又遷

揚州錄事參軍實吳越集作楚之大都會也政令煩拏貢奉

叢沓一日不葺鐫譙四至公為之優游有裕長史司徒杜

公與之揖讓夷集作異於賓僚入為太子司議郎拜歸州刺

史崑險湍悍人類鳥獸古號難理公克有聲遷永州刺史

朝散大夫惟是南楚風浮俗鬼戶為胥徒家有襍梗大者

屠鰥孤以盜邦賦斂愚蒙以神訛言悖于政經莫有禁禦

公於是脩整部吏黜侵凌牟漁者數百人以付信于下而

征貢用集擒戮妖師毀煮蒿滯昏者千餘室以舉正群枉

而田閭克和寬以容物直以率下邦人方安其理縉紳猶

鬱其望體魄遽降哀何有窮嗚呼公前夫人徐州參軍榮陽鄭鉅女有子曰義和早夭後夫人萬年尉苑陽盧彤女嘉淑之德繼聞宗族有子曰貽哲貽儉克承于家洎公之兄子曰勵曰禮誠願誌于墓無忘公之德銘曰

孰為德門清河濬源垂芳著慶集作遠哉云云又作其流云云自葉流根

世有顯懿揚其清芬炳煥集作煥炳增華昭于後昆惟魴與鯉

舊史孰集作是尊孰為茂功尚書清風藹其有融勃焉而興

披草從龍布令諸夏敷和六戎赫矣太陽克昇于中孰為

惠政公嗣餘慶形于謠詠小程其功大遂其性黠吏是省

妖風以正于邦于家集作于邑于邦又作施于邑邦克揚休命孰為遺愛

公去昭代邦人斯瘳始焉是賴今也何載集作戴孰葬我公

于洛之會何以銘之徽音不昧

試大理司直兼貴州刺史鄧君墓誌銘 前人

君諱某字某南陽人漢司徒禹之世也曾祖倚皇建州浦

城集作連州普城非令祖少立皇滄州司馬考邕皇右集作左武衛

兵曹參軍惟君敏給以御下廉忠以承上幹蠱之稱洽於

諸侯謹言之跡彰于所蒞故自始仕以至沒世未嘗無聞

焉初以試大常寺奉禮郎更職於劔南湖南江西前後連

帥咸器其能以柄於事於劔南則停擬閱實以循蜀本官作脩

刑盡哀敬之情致淑問之頌寬猛之適克合於中於湖南

則外按屬城內專平準蒞音曠人錫石之地參鳧氏鼓鑄

之功溢山告祥國用益贍吏無並緣以巧法人無怨讟以

苦役人

集作九

處斯職莫能加焉於江西則旁輯傳置下繩

支郡俾無有異政以一於詔條財賦之重待君而理無何

邕州經畧使路公恕奏署試大理評事兼貴州刺史叅帷

幕之任董龜虎之威夷俗敬愛革面受事朝廷將以武定

南服命安南大校御史中丞趙良金為邕州復以君廉招

討判官錄其異能奏加司直昇招討副使兼統橫蠻

疑作蠻集

作廉貴三州事龍茸之下直道有立獮得之內義威必行賦

增而不擾法一而無憾然以憂慄間於多虞卒成耳目之

塞道致齒牙之猾元和五年五月二十一日疾卒於公館

年五十五明年某月日返葬於潭州某原夫人隴西李氏

大理評事練之女年三十三貞元十六年終于郴州有子

四人曰贊曰其贊十三年矣哀禮具焉京兆尹弘農公始

由湖南為江西再以君為從事知之最厚痛君之能不施

於劇任惜君之志見屈於群疑且以誌授宗元使備其闕

古者觀其所使而知在止之德今也觀其所使

集註作以

而知

在下之誠嗚呼可無辭乎銘曰

粵姓之裔司徒隆漢惟君是承有植有

集作其

幹始屬奉常

出參藩翰議讞西蜀平其徃狂巡視南楚總茲條貫貿遷

化君貨殖攸贊改煎鎔範貢輸增筭既飭財賦亦專傳館

去牧荒陬肅其聽斷敘敷以息暴戾斯進行非選事進不

避難始賴其寧終聞見憚疾與憂積忠

集作志是

隨魄散年極

中身葬茲高岸才耶命耶君子興歎

和州刺史

四字集作連州員外司馬

凌君權厝誌

前人

年月日尚書都官員外郎和州刺史連州司馬富春凌君
 諱準卒于桂陽佛寺先是六月告于州刺史博陵崔君曰
 余嘗學黃帝書切脉視病今余肝伏以瀦腎浮以代將不
 臘而死審矣九余之學孔氏為忠孝禮信而事固蜀本作故
 謬卒不能有示乎世者命也臣道無以明乎國子道無以
 成乎家下之得罪于人以謫從集作徙醜地上之得罰于天
 以降被罪疾余無以禦也敢以鬼事為累又告為老氏者
 某曰余生於辰今之遇集作寓戊辰戊衝也吾命與脉叶其
 死矣乎吾罪大懼不克歸柩於吾鄉是州之南有大岡不
 食吾甚樂焉子其以是葬及是咸如其言云孤夷仲求仲

以其先人之善余也勤以誌為請嗚呼君字宗一以孝
 聞于其鄉杭州刺史常召君以訓于下讀書為文章著漢
 後春秋二十餘萬言又著六經解圍人文集未就有謀畧
 尚節氣明人之急出貨力猶棄糶糶年二十以書于丞相
 丞相以聞試其文日萬言擢為崇文館校書郎又以金吾
 兵曹為邠寧節度掌書記淫之亂以謀畫佐元戎常有大
 功累加大理評事御史賜緋魚袋換節度判官轉殿中丞
集作此字侍御史府喪罷職後遷侍御史為浙東廉訪使判官
 撫循罷人按驗汙吏吏人敬愛厥績以懋粹然而光聲聞
 于上召以為翰林學士德宗崩邇臣議祕三日乃下遺詔
 君獨抗危詞以語同列王伾畫其不可者十六七乃以旦

日發喪六師萬姓安其分遂入尚書乃以文章侍從由本
官叅度支調發出納姦利衰止以連累出和州降連州居
母喪不得歸而二弟繼死不食哭泣遂喪其明以沒蓋君
之行事如此其報應如此夫人高氏在越孤四人南仲殷
仲在夫人所未至執友河東柳宗元哀君有道而不自於
天下離愍逢尤天其生且又同過故哭以為誌其詞哀焉
銘曰

噫凌君生不淑學孔氏楊茶

集作芬

郁好謨謀富天祿讎禁

書贊推轂觀靈龜獲貞卜從

集作徒

東越翊明牧罷人蘇汗

吏覆升侍從躬啓沃匡危疑興大福吏尚書徒隸肅佐經
邦才用足道之躡身則辱烏江垂九疑麓仍禍凶避茲

能知命無怨毒罪不泯死猶僂何以葬南嶺曲魂有靈故
鄉復封茲壤歸骨肉為之銘志陵谷

柳州刺史柳君墓誌銘

韓愈

子厚諱宗元七世祖慶為拓拔魏侍中封濟陰公魯伯且

奭為唐宰相與褚遂良韓瑗俱得罪武后死高

集注作中非

宗

文粹

皇考諱鎮以事母棄太常博士求為縣令江南其

後以不能媚權貴失御史權貴人死乃復拜侍御史號為

剛直所游皆當世名人子厚少精敏無不通達逮其父時

雖少年已自成人能取進士第斬然見頭角眾謂柳氏有

子矣其後以博學宏詞授集賢殿正字

集作授校書郎

俊傑

廉悍議論證據今古出入經史

文粹

百子踔厲風發率常

屈其座人名聲大振一時皆慕與之交諸公要人爭欲令
出我門下交口薦譽之貞元十九年由藍田尉拜監察御

史順宗即位拜禮部員外郎遇用事者得罪集作文粹作十九年拜監

察御史王淑文常執詔用事拜尚書禮部員外郎且將大用遇叔文等敗例出為刺史未至又

例貶文粹有未字州司馬君閑益自刻苦務記覽為詞章泛濫

佇蓄為深博無涯涘而自肆於山水文粹有之字間元和中嘗

例召至京師又偕出為刺史而子厚得柳州既至嘆曰是

豈不足為政耶因其土俗為設教禁州人順賴其俗以男

女質錢約不時贖子本相侔則集注沒為奴婢子厚與設

方計悉令贖歸其尤貧力不能者令書其備足相當則使

歸其質觀察使下其法於他州比一歲免而歸者且千人

衡湘以南為進士者皆以子厚為師其經承子厚口講指

畫為文詞者悉有法度可觀其召至京師而復為刺史也

中山劉夢得禹錫亦以集無此字在遣文粹作讚中當詣諸州子厚

泣曰播州非人所居而夢得親在堂吾不忍夢得之窮無

辭以白其大人且萬無母子俱往理請於朝將拜疏願以

柳易播雖重得死罪不恨遇有以夢得事白上者夢得於

是改刺文粹無此字連州嗚呼士窮乃見節義今夫平居里巷

相慕悅酒食游戲相徵文粹作遠逐詡詡強笑語以相取下握

手出肺肝相示指天日泣涕誓生死不相背負真若可信

一旦臨小利害僅如毛髮比反眼若不相識落陷穽不一

引手救而集無此字反擠之又下石焉者皆是也此宜禽獸夷

狄所不忍為而其人自視以為得計聞子厚之風亦可以少媿矣子厚前時少年勇於為人不自貴重顧籍謂功業

可立就故坐廢既退又無相知有氣力得位者集有推故

卒死集作厄於窮裔才不為世用而集粹無道不行於時也

使子厚在臺省時文粹有亦字自持其身已能如司馬刺史時

亦自不斥斥時有人力能文粹作解舉之且必後用不窮然子

厚斥不父窮不極雖有出於人其文學詞意集作章必不能

自力以致必傳於後文粹作不能自以力傳於後如今無疑也雖使子

厚得所願為將相於一時以彼易此孰得孰失必有能辨

之者子厚以元和十四年十一月八日集粹作十月五日卒年四

十七以十五年七月十日歸葬集作萬年縣先人墓側子

厚有子男二人長曰周六始四歲季曰周七子厚卒乃生

女集有子字二人皆幼其得歸葬也集作資皆出於文粹無此字觀

察使河東裴君行立行立有節槩重然諾與子厚結交子

厚亦為之盡竟賴其力葬子厚於萬年之墓者舅弟盧遵

遵文粹作可人性謹順學問不厭自子厚之斥遵從而家焉

逮其死不去既往葬子厚又將經紀其家庶幾有始終者

銘曰

是惟子厚之室既固既安以利其嗣人

文苑英華卷第九百五十三

文苑英華卷第九百五十四

誌二十

職官十六

崔虢州玄亮墓誌一首 鄭滁州卽墓誌一首

邢欽州羣墓誌一首 李處州方玄墓誌一首

虢州刺史贈禮部尚書崔公墓誌銘 白居易

唐有通四科達三教者曰惟崔公公諱玄亮字晦叔其先出於炎帝至裔孫穆伯受封於崔因而命氏漢初始分爲清河博陵二祖故其後稱博陵人曾祖悅洛州司戶叅軍贈太子少保祖光廸贈贊善大夫考杭揚州司馬兼通事舍人贈太子少保集作師妣太原王氏贈晉陽郡太夫人公卽少師季子解褐補秘書省校書郎從事宣越二府奏授

協律郎大理評事朝廷知其才徵授監察轉殿中歷侍御
史膳部駕部員外郎洛陽令密州刺史公集有至密密民

之凍餒者賑恤之疾疫者救療之齒體集作木殯者命藏

葬集作之男女過時者為嬪集作娶之三月而政立二年

而化行密人悅之發於謠誄換歛州刺史其政如密先是

歛州集無民畜牛馬而生駒犢者官書其數吏緣為姦公

既下車盡焚其籍孳息貿易一無所問先是歛民居其集

此山險而輸稅米者擔負跋涉勤苦不支公許其計斛納

緡賤入貴出官且獲利人皆忘勞農人便之歸如流水朝

廷聞其政徵拜刑部郎中謝病不就俄改湖州刺史政如

密歛加之以聚羨財而代逋租則人不困謹茶法以方

吏則人不苦脩堤塘以備旱歲則人不饑罷民集作賴之

如依父母入為秘書少監改曹州刺史兼御史中丞謝病

不就拜太常少卿遷諫議大夫屢上封章言行職舉上召

對加金紫以獎之假貂蟬以寵之未幾朝有大獄人心惴

駭勢連中外眾以為冤百辟在庭無敢言者公獨進及雷

危言觸鱗天威赫然連叱不去公遂置笏伏陛極言是非

血淚盈襟詞竟不屈上意稍悟容而聽之卒使罪疑從集

惟輕實公之力既而真拜用集作旌忠臣由是正氣直聲

震耀朝右縉紳者相賀曰集作賀國有人焉國有人焉公

以為名不可多取退不必待年決就長告徑遵歸路朝廷

不得已途拜太子賓客分司東都公濟源有田洛下有

文苑英華卷一百一十五
宅勤誨子弟邀招賓朋以山水琴酒自娛有終焉之志無
何又除虢州刺史蓋執政者惜其去將欲馴致而後用之
大和七年七月十一日遇疾薨于虢州廨舍天子廢朝一
日贈禮部尚書周行士林聞者相吊宗族交友靡不出涕
遺直遺愛公兼有焉嗚呼公之將終也遺誠諸子其書大
畧云吾年六十六不爲無壽官至三品不爲不達死生定
分何足過哀自天寶以還山東士人皆改兩京利於便近
惟吾一族至今不遷我没宜歸全于滏陽先塋正丘首義
也送終之禮集作務從儉薄保家之道無忘孝悌吾玉磬
琴留別樂天請爲墓誌云爾夫人范陽盧氏先公而歿有
子九人長曰煜通事舍人次曰芻言罕言舉進士次曰綬

集作

綬中牟尉其下皆幼稚煜等哀毀孝敬號護輜妻以九

年四月二十八日用大葬之禮歸窆于磁州招義縣磁邑

鄉北原遷盧夫人而合祔焉遵理命也公之丁少師憂也

退居高郵其地卑濕泣血卧苦者三載因痼集作痺其兩

股焉逮于終身集有不能趨拜從弟仁亮竄謫巴南歿而

無後公先命長男煜護喪歸葬後命幼子聰繼絕承祧自

宗族及朋執間有死無所歸孤無所依者公或祭之葬之

或衣之食之或婚之嫁之侯齊二家之類是也故閨門稱

其孝群從仰其仁交遊服其義不可謂德行乎公幼嗜學

長能集作屬文以詞賦舉進士登甲科以書判調天官入

上等前後著文集凡若干卷尤工五言七言詩警策之篇

多在人口其餘製述作者許之可不謂文學乎公之典密

歎湖也理化如此集作可不謂政事乎居大諫騎省也忠

謹又集無如此可不謂言語乎公夙慕黃老之道集作齋

心受籙服氣鍊形暑不流汗冬不挾纊膚體顏色冰清玉

溫未識者望之疑神仙中人也集作在湖三載集作歲修三元

道齋每集無輒有絲雲靈鶴回翔壇上久而去之集作久而去

前後置齋七八而鶴來儀者凡三百六十其內脩外感也

又集無如此可不謂通於大道乎公之晚年又師六祖以

無相為心地以不二為法門每遇僧徒輒論真諦雖耆年

宿德集作皆心伏之及易簣之夕大怖將至如入三昧恬

然自安仍於遺疏之末手筆題云斲榮斲悴敲石火即空

即色眼生花許時為客今歸去大曆元年是我家其解空

得証也又如此可不謂達於佛性乎摠而言之故曰通四

科達三教者也居易不佞辱與公遊者三十餘年年老分

深定為執友况奉遺札託為斯文且慙鄙陋不敢辭讓銘

曰淦水之陽鼓山之下吉日吉土載封載樹嗚呼傳陵崔

君之墓

滁州刺史鄭公墓誌銘

前人

周宣王封母弟桓公于鄭厥後因封命氏為滎陽人鄭自

桓公而下平簡公而上世家婚嗣咸載集作于史謀故不

書公諱朗字某五代祖諱某北齊尚書令是集作為平簡

公曾祖某下邳集作郡太守王父諱某衛州刺史皇考諱

某祕書郎贈鄭州刺史公即祕書第三子好學工詞賦舉進士中第判入高等始授郾城尉無何本郡守移地部州民有暴悖者相率遮道麾呵不去公忿其犯上立斃六七人採訪使竒之奏署支使改浚儀主簿轉大理評事兼佐漕務集作豫非彭果領五府奏公爲節度判官會果坐賊連累僚佐貶光化尉移向城尉歷北海尉時安祿山始亂傳檄郡邑邑人孫俊鄧羅伽毆市人劫廩藏以應公時已去秩因奮呼率寮吏子弟急擊之殺俊羅伽盡殲其黨由是一邑用寧朝廷嘉集作美之擢授登州司馬尋轉長史累加朝散大夫入爲太子左贊善大夫尚書屯田員外郎太子中允出攝淄州刺史俄改集作揆萊州連有善最詔授檢校司

勳郎中兼侍御史充青萊登海密五州租庸使太尉李公光弼鎮徐州奏公爲節度判官改太子左諭德屬海州沂州饑盜賊起詔除沂州刺史充海密沂三州招討使加正議大夫賜紫金魚袋公惠威舊著比至部而蒼山賊帥李浩與其徒五千來降由是三郡底定復入爲衛尉少卿相國王公縉統河南奏公爲副元帥判官未幾除祕書少監兼滁州刺史本州團練使居八載政績大成大歷十三年二月十五日薨于揚州權窆于某所享年七十有八公凡七佐軍四領郡俸不積滯衣食無常主常嘆曰以飽煖活孀幼以清白貽子孫是吾心也逮啓手足卒如其志先是太夫人嘗寢疾公衣不解帶髮不櫛者彌年侍疾執

喪憂毀過禮公尤善五言詩與王昌齡王渙之崔輔國輩
聯唱迭和名動一時迄一作今著樂府詞播人口者非一

晚賦思舊遊詩百三十篇亦傳於代前夫人清河崔氏贈

清河郡太君後夫人博陵崔氏贈博陵郡君生子七人長

子雲達有才名至刑部侍郎京兆尹公由京兆累贈官至

散騎常侍刑部尚書次子徵終潤州司馬次子公達一作

有至行初以公年高不就仕及居憂廬墓泣血三年淮南

節度使本道黜陟使洎朝賢袁高恭等累以孝弟稱薦嚮

名教者慕之今為侍御史上柱國滄景節度叅謀次子方

達衡州司士叅軍次子震陽二字集當塗集作當陽縣丞次子

震弼集作文弼幽州叅軍公自捐館殆逾二紀家國多故未克

及葬至元和五年移集作始遷于鄭州新鄉縣某原祔先祔

書塋二夫人從馬時京兆已即世諸弟在下位獨侍御史

銜恤考集作襄事考備終始見託追謚銘于墓石銘曰

世祿德門斯之謂可久懿文茂績斯之謂不朽二千石之

祿七十八之年斯之謂貴壽內史之顯揚柱史之孝行斯

之謂有後嗚呼鄭公榮如是哀如是又何不足之有

歙州刺史邢君墓誌銘

杜牧

亡友邢渙思諱群牧大和初舉進士第於東都一面渙思

私自約曰邢君可友後六年牧於宣州事吏部沈公渙思

於京口事王并州俱為幕府吏二府相去三百里日夕聞

渙思欣助并州鉅細合宜後一年牧奉沈公命北渡揚州

聘丞相牛公往來留京口并州峭重入幕多賢士京口繁
要游客所聚易生譏議并州行事有不合理言者不入渙
思必能奪之同舍以爲智不以爲顛并州以爲賢不以爲
僭侵游客賢不肖不能私諭議集作譏以一詞公事宴懼渙
思口未言足未至缺若不圓牧曰往年私約邢君可友今
真可友也盧丞相商鎮京口渙思復以大理評事應府命
今吏部侍郎孔溫業自中書舍人以重名爲御史中丞牧
以補闕爲賀客孔吏部曰中丞得以御史爲重輕補闕宜
以所知相告牧以渙思言中丞曰我不素知願聞其爲人
牧具以京口所見對後旬日詔以爲監察御史會昌五年
渙思由戶部員外郎出爲處州時牧守黃州歲滿轉池州

與京師人事離濶四五年矣聞渙思出大喜曰渙思果不
容於會昌中不辱吾御史舉矣渙思罷處州授歙州牧自
池轉陸欽州相去直西東二百里問來人曰邢君何以爲
治曰急於束縛黠吏冗事弊政不以久遠必務盡根本牧
曰邢君去縉雲日稚老泣送於路用此術也復問閑日何
爲曰時飲酒高歌極歡牧曰邢君不喜酒今時飲酒且歌
是以不用繫集作繫慮而不快於守郡也復問曰日飲幾何
曰嗜羶肉日再食牧凡三致專書曰本草言是肉能閉血
脉弱筋骨壯風氣嗜之者必病風數月渙思正握管兩手
反去背仆于地竟日乃識人果以風疾發舟東下次于睦
兩扶相見言澁不能拜語及家事曰爲官俸錢事骨肉親

友緣集作手皆盡蓋壯未期病病未期死今病必死未死

得生至洛幸矣妻兒不能知矣君進士及第歷官九歷職

八始太子校書郎協律郎大理評事監察御史京兆府司

錄殿中侍御史戶部員外郎處州刺史歙州刺史職為浙

西團練巡官觀察推官度支巡官再為浙西觀察推官轉

支使為戶部員外郎判度支案代劉稹為制使使鎮魏科

集作料軍食賜緋服銀章初副李丞相回再副高尚書銖撫

安上黨三面征帥大中三年六月八日卒於東都思恭里

年五十邢氏周公次子靖淵封為邢侯國滅因為氏西

漢字為太尉子綏為司空曾孫也世宗光武時為驃騎將

軍世宗玄孫顓因居河間當曹魏時參大祖丞相事終於

大常邢有河間南陽君實河間人太常後也後至晉魏已

降皆有官祿唐麟臺郎仲集作中舉於君為曾祖麟臺生奉

天令待封奉天生緱氏丞至和君即緱氏子兩娶前夫人

隴西李氏忠州刺史佐次女今夫人南陽張氏壽州刺史

植女四男曰懌集作懌集作温郎壽郎用某年某月某日葬于

偃師縣某鄉某里某原葬有月日其孤立使者哭告于柩

來京師請銘銘曰

十五知書二十有文三十登進士五十登刺史才能温良

并包與之而止於斯七政在天一廻一旋差以釐數能窮

如集作知賢賢者多天不肖壽考誰為聖魁孔不能究無可

柰何付之以命曰如命何

處州刺史李君墓誌銘

前人

君諱方玄字景業刑部尚書贈司空貞公長子也貞公事

憲宗皇帝兄弟受寄西集作四鎮在漢南時戰淮西未利監

軍使崔談峻讒言中入為太子賓客後淮西平李光顏移

鄭滑陳許無帥帝閑讌獨言曰勁兵三千集作萬誰可付者

談峻侍則曰有大臣家不三十口俸錢委庫不取小僮跣

足市薪此可乎帝曰誰為者談峻進則集作即以貞公言帝

即日起貞公為陳許帥其儉德服人如此景業少有文學

年二十四一貢進士舉以上第昇名解褐裴晉公奏以秘

書省校書郎校集賢殿秘書聰明才敏老成人爭與之交

後以協律郎為江西觀察支使裴誼觀察判官有殺人獄

法曹官煨集作斷成當死者十二人景業訊覆數日內活十

二人寃人集無尚書以上下考奏裴公移宣城授大理評

事團練判官後尚書馮公宿自兵部侍郎節鎮東川以監

察御史集無此裏行為觀察判官不以歲御史府取為真

御史分察塩池左藏吏盜隱官錢數十二字集萬獄竟遷

左補闕遇事必言不知其他丞相固言以門下侍郎出鎮

西蜀奏景業以檢校禮部員外郎參節度軍謀事仍賜緋

魚袋徵拜起居即出為池州刺史始至剏造籍簿民被徭

役者科品高下鱗次比比一在我手至當役役之其未及

者吏不得弄景業賞集作歎曰沈約身年八十手寫簿書

蓋為此也使天下知造籍役民庶少活復定戶稅得與

豪猾沉浮者凡七千戶袞入貧弱不加其賦堤州南五里
 以涉為衢凡裁減蠹民者十餘事城東南隅樹九峯樓見
 數千里鑿齊山北面得洞冗怪石不可名狀刊石於崑下
 自紀其事凡四年政之利病無不為而去之罷去上道老
 民攀哭景業季父刑部侍郎建與貞公以德行文學俱高
 一時時之秀雋半歸李氏門下景業復聰明少銳儉苦温
 謹早與長者游備知天下之所治嘗慷慨有意於經綸少
 在諸侯府入為朝官出為刺史蚤夜勤苦為學不已屈指
 計量必伸已志雖時之名士亦以此許之罷池廉使常公
 温館于宣城會易四集作五年四月某日卒于宣城客舍年
 四十七集作三七代祖遠後周柱國大將軍都督雄集作熊陝

十六州陽平郡公曾王父琮王綿州昌明令昌明生震集作
此雅州別駕贈左集作右僕射生貞公遜先夫人滎陽鄭氏
 贈本縣太君後夫人范陽盧氏男若干女若干人銘曰
 顯莫識其端幽莫見其緒已乎景業何付與之多而奪之
 何遽天顏病冉孔子不知其故於景業兮杳欲何語嗚呼
 哀哉

文苑英華卷第九百五十四

文苑英華卷第九百五十五

誌二十一

職官十七

此下六卷英華所編
失作者先後今正之

王司馬墓誌一首

張長史承休墓誌一首

呂司戶虔墓誌一首

趙長史墓誌一首

孫司馬嘉之墓誌一首

李司馬墓誌一首

申州司馬王府君墓誌

陳子昂

君諱某字某先太原人也昔周文王有聖人之德甲子受圖至我靈王誕膺丕顯太子晉得鳳凰之瑞恭揖群后上為帝賓綿綿生人作我王氏迨秦有賁剪并吞諸侯晉有渾祥功格帝室至魏集作魏至慧龍為貴種矣十二代祖卓晉常山公主子也始公主湯沐邑在汾陰永嘉淪夷不及南

渡因樹松集作杉檟而結廬焉卒葬于長壽原至今鄉有太

原之號也魯祖亮周開府儀同上大將軍隋信州刺史樽

俎之帥集作師也祖儉隋離石郡守唐石州刺史贈代集作岳

州摠管廣武烈侯社稷之噐也父諶唐虞部郎中荊州大

都督府司馬尚壁鄜許冀五州刺史加銀青光祿大夫濬

州都督金水敏侯上柱國節廟之才也敏侯有功於國始

賜土田白茅直之在鄆之曲因食采今為雄州人君即敏

侯之元子炳靈珍粹輝采幽黃愿而能集作以恭寬而以栗

青衿聞道已光大矣天子立太學所以養賢公子齒上庠

所以觀國君之休烈泉集作淵塞志業雲翔年若干為國子

生某年集作中射策甲科解褐補吳王府參軍事時吳王帝

之愛子國選英僚君三德允彰六行既穆與某郡劉孝孫

首先集作光此舉誦詩三百和淑其仁而醴酒不恭楚筵亦

廢坐除滑州錄事參軍又轉隴州錄事參軍時樂成公劉

仁執以宰相之貴持節此州暖然惟中主諾責下軍機集作

提綱未幾群轄載孚劉公坐嘯以為能也舉遷汾州平遙

縣令其地有臺台左傳作駘之怪蟋蟀之人君黃鼎介中鳴琴

不下鍾鼓既考風俗允和帝曰良哉而格我政加朝散大

夫遷岐州扶風縣令若尹翁歸以文武之幹緝熙此邦黃

圖雖寧赤丸未又君以先集無先字庚斷甲設距投鈎赭裙始

繩堊面咸革丁我敏侯艱遂茹哀苦廬銜恤終紀是歲申

國不理元寮佇才制加朝散大夫授申州司馬屬太夫人

有羸老之疾棄

集作去

官不之白華增勤綵衣是慕至於朝

哺

集作盥

夕膳候色承歡瓊瓊齋粟蒸蒸不匱有若楚太子

集作老萊

爲之嬰兒也嗚呼昊天不弔降此鞠凶太夫人以眉

壽薨時君年已七十二矣禮以飲酒而君絕漿虞以降哀

而君泣血煢煢在疚孿孿棘心

集作栞棘其心

新穀未升匪莪已

殞以某年青龍癸巳薨于某里第之正寢孝之終也嗚呼

哀哉昔聖人五十而慕先子謂之至德今君七十二而盡

其哀非敦篤允元深仁淑德者疇能離此哉夫人弘農楊

氏隋內史侍郎丹川公演之女孫也幼有淑德而美令儀

采蘋昭華穠荷比秀至於內嚴闡訓外匡君子麟趾以穆

鷓鳴有章誠可道矣公官事宣彤管晚年以儒困

集作困

未

究冥業唯深遂揭無生之筌將遺有漏之屣顯潔道行受

蓮華經理極翻三心滅不二形妄緣盡歸真化冥歲在丁

酉處順而往始我府君以懸車之歲從負米之勤夫人亦

能肅恭晨昏嚴祗左右夫至行莫大於孝崇義莫顯乎忠

君克勤于家盡力於國形

集作刑

于妻子至於朝廷夫矜而

不與物或有遠廣而無適義所以比君好謙達禮研機成

務摹其法器無不馴從其政事無不理夫用我者而豈徒

哉嗟乎矜而能廣

集作兼

利而不浼百行允備三事不借減

文仲其竊位歟柳下惠其直道歟有子四人長曰某官至

武連縣令先公而卒次子某等肅奉嚴訓景行高山達于

家邦光乎

集作于

禮樂末號罔極泣血昊天始府君臨終遺

令薄葬墨龜未食青鳥不封權殯于某所需吉兆也龍集
巳亥律躔應鍾金鷄鳴王狗吠黃腸密啓丹旄徐飛始遷
神於某原之陽禮也青龍在左朱鳳居前雙衾共封二室
同穴珠玉不瘞丘隴誰傳刻此金石以旌後賢

恒州長史張府君墓誌銘

張說

君諱承休字某吳郡吳人也留侯與漢播美西京長沙涉
集作徒吳蔽蔓東土曾祖冲在陳為文帝師入隋為漢王學
士祖後胤授經太宗尊之以為集無祭酒既封新野又贈
以宗伯考少師位不克量止於朱陽宰班固稱世名忠孝
魏武謂積善之家昌門一絲暉我諸族君受天馘穀傳家
業藝希言敦行去華崇實非法不由非禮不動精於理物

敏於政事初以南郊齋即補兗州兵曹丁太夫人憂廬墓

三年加人一等再任始州司倉應八科舉改鄭州錄事參

軍又舉賢良方正遷楊府集作州司錄參軍移蘇州常熟令

歷政皆有能名加朝散大夫入為司農丞實掌錢穀姦僂

息望使覆囚嶺南是司獄訟聽折惟允乃授濟源令風行

畿甸河潤洛師加朝議大夫上柱國拜絳集作州司馬轉

恒州長史簡而有孚權而集作中道嬰風患集作去職就

醫還京春秋六十有二終于頌政里夫人成紀郡君天水

秦氏廬陵郡公行師之孫嗣公游福之女敬事君子誠訓

諸孤當代之孟母者集無也年六十二終於許州開元元

集作九年十月某日合葬於武功之禮讓原禮也夫道大難

合仕也而不進德高者集作後身沒而福流君同生八人

半服銀艾祚胤五子率為珪璋比迹於燉煌六龍南鄭千

室德門濟美信有徵乎懼陵谷或遷乃勒銘沈石銘曰

思文留侯時惟皇祖長沙南守分幹東土家有道書門傳

學府崑峩重世通經二主誕靈上詰克廣斯文造次仁義

優游典墳孝乎事親忠乎事君荷那叔父亦足有云

玄州司戶呂君墓誌銘

前人

君諱虔字某其先東平人也堯之太岳始封呂侯周之太

師實表齊國河西則霸王繼氏集作關東則丞相聯華近

徙河間是稱右族大父贊隋幽州都督府長史考師滄州

清池令並振羽儀馳聲郡集作邑公孝弟天至禮樂混成

千里聞騏驥之才五都重琅玕之價壯士行去樹勳於塞

垣君子居之何陋於蕃郡以上柱國為玄州司戶參軍積

善襲於家風餘慶流於身後享年若干而卒夫人清河縣

太君傅氏四德爰為六行聿脩始則賓於冀妻終乃訓成

孟母春秋若干而終開元十四年某月合葬於州城西南

里之平原禮也我有令子職司馬於小山我有淑孫偶乘

龍於大樹榮哀之事于茲畢矣銘曰

堂堂呂公休有令德穆穆傅母順成內則兩譽齊振雙儀

不慝集作景行山東風流河北有生必謝誰能獨存神寧

故里合葬中集作原劔暗泉室松寒墓門勒銘沈礎萬古

何言

許州長史趙公墓誌銘

張九齡

公諱某字某天水隴西人其先受賜于周所食者趙下逮

襄子大為諸侯至集作于謀孫克用保國有功有伐無代

無之魯祖某隋尚書左右僕射淮安集作郡公祖某金紫

光祿大夫殿中監贈工部尚書武強公父某符璽集作即

皆發聞馨香世祚蕃衍不高位者則人望焉公惇師舊業

允迪恭集作懿包君子大雅之量有古人獲心之實修詞

以達其道則質文相半履行以顧其言則剛柔並克弱冠

以門子調補湖州參軍轉相州司兵參軍學以入官思不

出位格言清論始誦今行屬太上皇養德在藩擇賢為吏

公首其舉王曰爾諧於是引為相王府戶曹參軍轉法曹

參軍及龍德既亨鶴鳴有應往而利見縻以好爵乃授朝

散大夫雍州錄事參軍綱領諸曹罔有不率秩滿除洛州

伊闕令事舉其中歛從其薄惠小鎮大猷公戒私政之在

人今而遺愛俄遷徐州司馬未幾轉陝州司馬許州長史

千里將聘六轡斯柔得之自心動而中節故其四參州事

再入府寮一宰畿邑三為郡佐莫不所居而績宣其用所

去而頌因其跡豈伊苟然厥繇尚矣開元八年春二月疾

車乙丑終于官舍春秋若干某年冬十有一月庚午歸葬

夫人崔氏祔焉公自然淡泊不胥勢利守道貞固與命推

遷故歷年多所移官數四不過參佐而已豈亦直道之云

乎然而卑以自牧約而能濟推厚居薄內安其仁急病讓

夷外多其義不曰君子其能爾乎有子曰令言次日令則泣血加人抑情就禮哀懇窀穸之事恭惟先君之德驗之所履附之斯文以傳無窮以慰罔極銘曰

猗嗟令德寬仁合道景行行之風流肆好名取公器為身

善寶集作善為身寶志所以立政所以宣入官惟允蒞事其然是

儀是式不忘不愆今也終古後之克祚子孫禋祀春秋霜

露茫茫九原斯焉求慕

宋州司馬先府君墓誌銘

遜逖

府君諱嘉之字某魏郡武水人也故屬安樂蓋齊大夫書之後至晉長秋卿道恭有子曰顓避地河朔後世居焉顓五世孫魏光祿大夫惠蔚為本朝大儒自時厥後不隕其

業公即光祿玄孫也曾祖孝敏隋大業中并州晉陽縣令

所居之聚聊設衡關至疑為晉陽里祖仲將皇朝鄆州壽

張縣丞父希莊皇朝韓王府典籤自晉陽至府君四世而

傳一子故五服之內無近屬焉府君四歲而孤無所怙恃

外祖劉士傑因官居于潞之涉縣府君自幼及長外族焉

依克自激昂允迪前列烈弱冠以文章著稱因此遊太原涉

西河以觀陶唐之風河汾之間有盛名矣垂拱載初之際

始詣洛陽獻書闕下極論時政言多抵忤所如不合遂投

跡太學託名常調天冊中以進士擢第與崔日用蘇晉俱

為考功郎中李迥秀特所標賞父視初預拔萃與邵晁齊

澣同昇甲科解褐蜀州新津縣主簿又補河南府緱氏縣

尉改王屋縣主簿府君少好攝生之術自王屋授訣於司馬先生便欲罷官學道而官微祿薄曰疑門無儲宗黨孤恥無所仰給繇是願效六百石長吏馬歷洛州曲周宋州襄邑二縣令秩滿之後遂絕跡人世屏居園林怡神太和以適初願居數歲秩疑長子某拜中書舍人實掌絲綸皇上以府君有義方之訓特授朝散大夫宋州司馬仍聽致仕手詔褒美親族榮之享年八十三以開元二十七年四月二十四日棄背於東都集賢里之私第府君性聰明而志高邈學該百氏而不為章句文窮三變而尤工氣質早有大名晚從卑位於是知命之不偶道之不行隨時委運澹然無營而疇昔輩列平生雅故當軸處中者多矣蓋未

嘗跬足而近之恬於勢利乃如此也然所蒞之職必悉心為政不以小而易之人到于今遺愛矣爾其閨門之教子孫之謀猷之必遠誨則無倦萬石不假於誚讓太丘惟聞於遵疑誘保又於後無慙古人夫人廣平宋氏蒲州安邑縣令斌之孫滑州司士叅軍郁之女淑德賢行深慈至柔有子四人皆著名於詞學有女六人俱涉跡於圖史非獨府君之善訓亦有夫人之內則焉享年六十以開元十年十一月二十三日先棄背於河陽別業逖適遘迨等遭天不憖遺降此鞠凶創鉅以深荼蓼又集求惟宅兆未立精靈未安猶力庇瘵尚存餘喘即以府君違世之年八月十二日遷厝于卽山陶村之西原合祔焉禮也北據岡阜南

瞻城闕一以託州原之勝勢一以近庭闈之故居諸孤等亦願朝奠几筵暮掃松柏往來密邇以寘哀懷伏惟尊靈安此真宅小子痛極豈復能文泣血書事言多失緒其詞曰

楊州司馬李公墓誌銘

李華

公諱某字某趙郡高邑人也在昔咎繇謨明玄元道德武安之功秦人息甲廣武之畧淮陰東西疑作魏則中書為臣齊則常侍叅佐命丞動隣邦明詰于周隋水部才冠時倫訓迪于忠孝國朝則蒲州之仁政趙州之懿德趙州生

晉陽尉諱某道崇位卑鍾慶身後官婚人物為山東上族五百餘年矣公少孤以經明行脩登第直崇文館授雍位尉屬國家升中秦山縣當馳道徵責萬計臨事無違居至卑而不拆當大務而不撓外兄許公蘇尚書頊特親重之秩滿考六經覽群書手抄二百卷觀其大一作義歷交城

尉無何丁內艱柴毀終禮授榆次尉裴尚書伯先為太原尹廉察河東引公在幕賢者知勸不仁者懼旣而從調朝廷詔有司精求令長公以崇璧之咨鍾彝之重屈為蕭令邑臨古汴之衝每歲為害公因租之集兩稅一石置於水濱治之為防水不敗稼蕭人賴之徐方歌之則政之利人餘可知也選授太原府法曹叅軍事大都阜殷囂訟填積

公鏡其詐實皆叶身中太原王之北門枕扼夷夏屬狂胡
首亂悉衆來攻公撫弦登陴左右軍師完城池潰凶醜有
力焉詔加朝散大夫遷太子洗馬拜右諭德進階正議大
夫東宮圖書亡逸有司命公留北部蒐訪焉淮南節度故
相崔尚書圓表公為揚州右司馬將任以州政方祖道違
厲而終享年六十六廣德二年六月十三日也長子規前
刑部員外郎兼侍御史次子觀故沂州沂水縣丞次子觀
故太原府榆次縣尉次子峴前汾州平遙縣丞幼子觀前
左監門衛率府兵曹參軍事泣血茹悲哀號萬里求仁者
之助於江湖奉迎裳帷於太原歸安洛汭禮罔不備某年
月日寔於某原禮也規有公遺風國之才臣嘗為晉州吏

職中外宣力王室聞於天下公其不亡矣公有文有武簡
而能肅不伐其勞推其美於人神明質高疑如山孤味道
於老莊還性於禪惠每涉危必免阽患無傷冥然禮順疑
若靈助蓋德之所至者也嗚呼位不尊壽不遐時耶命耶
華於公諸從鴈行為公所知感規之孝祗述盛烈以慰諸
孤之心其銘曰

貴為侯伯來日赫赫百夫之特所稱者德神錫純嘏道無
違者淮南鎮揚為右司馬嘗蒞蕭人蕭人以淳嘗掾太原
功宣北藩艾綬銀章大夫之尊春秋匪懈榮於寢門宜其
求世天胡降戾仁而有子哀號萬里維嵩之隅維汾之渙
我卜我筮壽宮脩止與天無期寧極於斯子孫百代拜手

於斯

文苑英華卷第九百五十五

文苑英華卷第九百五十六

誌二十二

職官十八

崔判官汪墓誌一首

韋倉曹元誠墓誌一首

李長史鋒墓誌一首

唐推官欵墓誌一首

李司錄雍墓誌一首

權參軍隼墓誌一首

蕭兵曹惟明墓誌一首

劍南節度判官崔君墓誌銘

常衮

故人清河崔汪字巨源舉秀才校文尋佐戎衛遷廷尉評
辟荆襄益三府春秋若干大歷四年月日遇疾終於成都
官舍以巳酉歲律中南呂庚辰之辰返葬於棲鳳原龜從
也惟先德世勲焯叙前志祖仁堅父綱位不配才佐郡貳

邑而已公志經炳文義精格峻敦孝本義篤近周親定交
後求忠告善道達則兼濟否則艱貞天寶之難覩萌晦跡
族行導漾儉德全身陶融太和不嬰物累而辟書狎至傳
駟旁午不暇棲伏俛而受命竟友於諸侯咨以書奏籌畫
之事抗詞中病動不求合老將嘆惜大豪雄張正色檢御
革心畏憚從容儒服以靜邊荒夷險終始坦然一致初郭
英乂鎮蜀政暴及禍公以嘗所辟用雖言之不行終全節
守義遂與妻子居巖石之下不復歛袂於是府矣及相國
衛公式是南邦旌禮賢士待以坐幄咨訪戎政議者謂翰
飛紫霄邈其遠矣志士方展國華中零哀哉蓋君子耻食
浮於人不患無位故曰孔門不稱其官闕潁川尚慙於

長公始以文顯中以道勝終以義全斯亦成名矣何必乘
軒服冕方謂之達歟然以有王霸之畧通質文之變不得
與公卿大夫高議明庭鬱湮重泉知者悼惜旅櫬南下浮
江阻寇夫人河東薛氏故水部郎中攄之女也公之死明
誓崩戚感動潛舟夜風反樞湍險神明所護川后息波出
于萬死之中充此九原之葬可謂貞烈孝婦軌儀壺教嗣
子師周十一歲而孤危身過毀以余先君之舊見託銘述
詞曰

元和內融懿鑠孔純學滔泉源文鬱春雲儉德處難超然
世氛即戎雅歌偃息中軍參以天時合於兵機道行則安
言廢則危終保風節蜀人高之英靈沉埋旅櫬流離哀哀

孝婦上訴蒼昊金柩巴江歸魂蜀道田橫舊曲季布餘軻
一閉泉扃千秋蔓草

范陽郡倉曹參軍京兆韋公墓誌銘 獨孤及

永泰二年五月七日有唐故衢州刺史魯縣子京兆韋瑋
第三子范陽郡倉曹參軍諱元誠葬于少陵原先塋夫人
范陽廬氏祔焉從周禮也公少時爲坊州參軍歷襄州司
法試守棗陽縣令真授蒙城令凡五遷至范陽倉曹初安
祿山以范陽叛劫脅元元以殺整衆士之困官因居而困
窘顛躓墮圍中者數千計兇威所及不死則汗公掾吏也
在僞署伍中溷跡狎狂異以病免盜憎之乃加害焉春秋
若干夫陽九厄會天地鞠凶燎火炎炎王石何訴是歲天

寶十五年也嗚呼人皆筮仕必以廉平公幹稱於州里人

誰無死死則名不辱志不奪不嚙盜哺以易其生生且不

苟其事君事親之禮不待史氏而自明矣在官必聞則居

家正身與朋友臨財之節可知矣有子曰彤龍鍾崎嶇於

阻險之中十年不克返葬哀有何極歲在乙巳冬某月始

跋涉大行恒山之路以公之喪葬自某原

集作至自某郡是公李

弟吏部郎中元魯既得吉卜痛天倫之歡莫之追也願以

君之忠於君恪於官友於家之德之美以播後嗣庶幾陵

岸遷而德音不磨謬以及爲習於禮者故使爲誌其辭云

天地橫隕三象霧

集作非兮梟獍擇肉鸞鷲懼兮明夷于飛

罹其故兮美玉寧拆質不污兮子子孫孫荷餘裕兮

越州長史李公墓誌銘

梁肅

大曆己未八月癸丑故尚書比部郎中

集作員外

渤海李公卒

享年六十十月某日權窆于某鄉原嗚呼公諱鋒字公穎

菑人也其先自後魏幽州刺史高城公雄四世至皇朝太

常博士善信善信之孫曰文素以之章知名舉秀才曆伊

闕尉文素生勝尉于馮翊之白水蓋公之父也鳳閣侍郎

平章事武功公蘇味道其外祖也公噐宇魁異

集作悟

英風

集作風神明邁中立不回旁通多可初不以祿仕為意用朋酒

自娛游江湖間交必一時之選言必可大之業相國張平

原鎬之鎮江西也聞而噐之表為協律郎兼上饒令公用

仁愛恤惇獨剛明肅豪右不及一年上饒之人如熱遇濯

亦既報政彭城公劉尚書晏以狀聞詔遷晉陵令為治加

上饒一等郡守李公栖筠尤重之待以賓禮時公以發硯

之噐連宰

集作尹

二邑征鎮者聆其休風方昭

集作招

佇不暇

陳宣州少遊表言其能授監察御史叅宣歙軍事事無苛

慝遷殿中侍御史換工部郎中從事部無闕政因條奏至

京師當國者偉公之材將寘于朝公辭未復命遂以待御

史旋介本使東遷于會稽與公俱東永泰末妖賊殺郡將

以叛其帥敗亡賊

集作餘

黨詐服公以單騎往安其民一旦

收隱慝

集作匿字

三十人殺之以徇三衢之人道路相慶人到

于今稱之無何有比部之拜乃兼越州長史既罷歸休于

無錫私第道有所不通公淡然自居其志愈厲加以率性

孝悌睦親接士財必分人衣無常主和樂扇於閨門信讓
達于家邦其進也致身以從政其退也卷懷以自牧其亡
也知與不知皆為歎息嚮非懿識全才其風可懷則曷以
臻此予忝從公遊也久故錄其實以紀之因用表墓誌銘

曰

才宜處貴德宜受福允矣比部曷其不淑融融和風

集作氣

綽綽曠度踈通且仁柔惠有裕登車持斧厥績方茂力命
暨乖陰陽已寇閔川不駐廣厦推構夜臺陰陰何日復晝

廊坊節度推官大理評事唐君墓誌銘 權德輿

君諱欵字嘉言北海人曾祖貞休皇比部郎中河南少尹
祖詡太子洗馬考試河南府士曹參軍代有懿行遠承華

構君清方敏厚幼有立志與伯氏文編講藝脩詞知名於

士友間其文華浹洽而長於比興其義行潔脩而篤於友

悌貞元初舉進士甲科解巾補宮衛紀綱掾右輔守臣撫

封辟士表為支使轉左領軍倉曹明年復調為左金吾曹

曹因喟然曰吾三命不越於環列其道蹇歟滿歲宴居吟

咏情性而已會故人彭城劉景通受天子推轂之重鎮于

洛郊集作郡辟書既至命書繼下以廷尉評事理軍訟未幾

請急省凡于盛山又東南至于雲安間關巴峽嬰冒霧露

俄而景通入覲為冬官司空方欲盛薦君於獻納侍從之

列景通既沒集作列非左右曹中執法多所引重而枕疾不起

悲夫時二十年秋八月壬子其年四十有九昔崔駰管輅

官不過長岑令少府丞而當時之翕然扇巧言進取蒲志者可勝道哉天闕紛綸從古所歎初聚馮翊嚴氏興元長帥相國太保公之女不幸早亡繼娶天水權氏華州司士叅軍集之女予之從姐妹也有明敏集作識淑行爲六姻儀法結檣周月遭罹栢舟之痛遺胤之始集作方娠可哀也哉予與文編周旋於文章道義二十年矣故辱君之歡亦舊淮湖睽阻京轍會合合姓集作地怛化在旬歲之中寢門屑涕情何有極冬十月庚寅其孤輝旣得吉卜窆于萬年縣義善原且虞丘夷谷變不可以不識遂爲銘曰

一氣云云淨林滑潛英華未伸奄忽歸根于嗟乎嘉言于嗟乎九原刻此清芬

太原府司錄事叅軍李府君墓誌銘 前人

君諱雍字某趙郡鄆人曾祖

集有為字非

萬安皇鄒平郡丞祖

頊贈鄭州刺史父日知皇銀青光祿大夫黃門侍郎侍中

戶工刑三部尚書君承廕麻履露而資性和厚有詞藻工

篆隸起家太子通事舍人轉太常寺主簿年甫成童卓然

有立志歷都水監丞長安丞轍下難理號爲稱職丁太夫

人韋氏憂免喪猶毀不交人事尋詔除太原府錄事叅軍

已抱沈瘵以開元十有九年夏五月歿於長安昇道里享

年三十五

集作四十三

噫嘻以侍中公之寬明正直忠孝於君

親書在國籍爲景雲賢相宜其子孫昌阜有韋平之慶而

義方積善所及不過於丞吏都吏未強仕而夭斯命矣夫

人范陽盧氏殿中侍御史敷之女司勳郎中游之妹華宗
 淑行先歿者二歲有子玄之仕至晉州洪洞縣令愷恂之
 化行於鄉黨命屈其才亦不至大官洪洞之子曰鄧州新
 野令彬萬年尉彤陳州太康主簿彩太公廟丞彩前明經
 咸等以吏以文修集作循守家法君初嘗謂洪洞曰吾家代
 壤樹在周鄭之郊延陵羸博豈限故土苟吾啓手足必促
 擇不食之地而歸全焉故君歿之歲秋八月權窆於萬年
 縣龍首原厥後七十有七歲彬彤等君內憂忍哀襄事因
 竭誠信脩集作循祖禰之志塔君之窀穸遷柩于京兆府奉先
 縣漫泉集作衆鄉保章集作章里從考集作吉卜也與洪洞君庚
 申分冗昭穆列次聿修之義情禮無違而彤又狀其祖德

請刻墓石抑予之重表甥也嘉其忠孝而銘之其詞曰
 伊昔侍中實相睿宗以孝以忠穆然清風乃生良士博物
集作約仁義坦坦居易鬱堙下位家有孝孫卜茲鮮原刻勒
 清芬藏于墓門

叔父故朝散郎華州司士參軍府君墓誌銘

前人

序曰洪範叙三德五福之道而德存集作在乎人福繫乎運
 時未光大則卷而懷之姑以清行厚德遺諸子孫而已公
 諱隼字子鷲天水洛陽人十二代祖安丘敬公諱翼為前
 秦司徒代有勲德以至四代祖平涼公諱文偉集作誕歷開
 府儀同三司涪集作洪非常二州刺史曾祖滑州匡城縣令諱

崇本王父益州成都縣令集作尉諱無待烈考許州臨穎縣

令諱伋初平涼之先三葉開國匡城以降世名文行公續

承茂緒祗服家法有大易之鳴謙中庸之慎獨慥慥其守

孽孽其勤中立而不易方夷道而不由徑故克家無玷干

祿有聲天寶末州里舉經明屬幽陵叛渙計偕中止解巾

試守河西尉真拜鄆陵丞時東郊不開違難迹祿艱貞繁

白終出盜泉朝廷嘉之除楚州寶應丞是歲太夫人棄孝

養刺血寫大乘微言毀瘠過禮既除喪為親戚所勉調補

宋州宋城縣丞孟尚書某方持郡節深相推重每歲考課

居郡中最大曆中授福昌丞貞元初改華州司士嘗辟彭

城劉公蕭國班公之府皆分事任實助經費所至之邦必

聞其政所奉之主必加以禮而又學古不怠歌詩必類緣

情而不流體要而無害故秘書包公謂公內外脩集作循理

心正氣和君子以為知言其道未伸天奪之筭嗚呼貞元

九年四月辛亥終于富平從事之館享年六十一夫人陳

郡殷氏皇曹州司法麗正殿學士踐猷之孫清河尉宣集作

寅之女故給事中杭州刺史亮其兄也今侍御史彬州刺

史承其弟也生德義之門襲猗那之慶自執筭疑作筭主饋

逮四十年孝慈柔明六姻是仰學備箴誦言成禮法公之

祿甚薄而家甚肥中外無間言諸孤猶已子閨門之內和

樂薰如也既茹未亡之痛護奉輜車東旋洛都八月癸丑

違疾厲終于新安之別墅享年若干有男子五人長曰少

成仕至桐廬尉次曰少清以經術甲科次曰某曰某皆以文學裕壘稟公之義方女子五人長適安福尉劉公範次適常州司倉齊暢其次未及笄皆稟夫人之明訓少成等曾未半歲再集茶蓼思養於下如不欲生銜恤忍哀竭其誠信以十月某日得吉卜於新安方山南龍澗原禮也小子亂歲而孤夙承善誘且懼徽音行實之不傳于後與陵谷之有遷也謹用論譔哀而不文銘曰
惟叔父秉直清溫而文誠而明六試吏揚令名再從事有淑聲猗夫人懿純德倬婦行為內則樂申申恭翼翼女有家男述職天不傭降鞠凶道未行禍已鍾刻金石識立封德不泯哀無窮

楊州兵曹參軍蕭府君墓誌銘 前人

君諱惟明字惟明南蘭陵人曾祖浚皇丹州刺史祖文遠皇睦州別駕考重暉皇金州別駕自丹州已降雖位不過守佐而皆以行義似續君即別駕府君之元子也天寶中舉秀才數以行過乎謙竟不得居申乙科時苟未至雖巧力無所錯其用否不可久後累為知己所薦自明州參軍事至揚州兵曹掾凡四更集作更四官皆有理効多以名聞薦拜或叅從事之列向非刃有餘而用無滯疇能及此晚歲病風家于丹陽葆真樂一作守和樽酒自適輕財重義推誠於朋友之間不飾邊幅以曠達自任初君與令弟故司封郎中惟則同以儒服游京師賢士大夫締交慕義者如嚮

郎中以通才歷職而君亦累為名公所薦年位未至相次凋落嗚呼以建中十二年四月某日所疾沉痾終于丹陽私第享年若干以某月日權窆于某所從宜也夫人扶風竇氏婦道柔明子渢集作潮汝等年未志學藐然無怙芻挽時集作將行哀以求銘銘集作誌曰南齊之後福祉蔣臻厥生兵曹洵美且仁如何中路翳梟荆榛刻石窮泉永志聲塵

文苑英華卷第九百五十六

文苑英華卷第九百五十七

誌二十三

職官十九

元兵曹盛墓誌一首

蕭功曹墓誌一首

馬別駕墓誌一首

楊司倉墓誌一首

呂判官恭墓誌一首

盧司錄士瓊墓誌一首

任司馬佶墓誌一首

李長史則墓墓誌一首

河南兵曹元公墓誌銘

穆員

公諱盛字某河南洛陽人魏昭成帝之十二代孫皇金紫光祿大夫司膳卿汝陽公善應之曾孫集州司馬崇敏之孫處士履清之季子生五十有五年官歷憲府法寺宰邑掾京者十政以貞元十一年六月十五日卒于東都綏福

里第十月四日孀妻孤女奉喪歸葬于偃師首陽山之北
 原嗚呼哀哉公忠竭於事上孝終於報親許與諾著于氣
 類其蒞官也剛決堅利致用如今易人之所難敢人之所
 畏累佐戎府獨步神州肅肅羽儀方漸于陸何年官階半
 而不知者命迫焉初處士府君之逝也公二兄孟幼仲嬰
 公方孕太夫人則我伯姑來歸于我惟是內外同氣兄無
 常第弟無常兄入學過庭鴈行三紀既而從官方始異門
 孟仲早落公終養焉嗚呼我伯姑深仁如天高行鄰古昔
 有三子今無一孫悠悠彼蒼與善焉在仁人之祀奄焉忽
 諸夫人河東柳氏從公致養奉公歸祔存沒成公之志賢
 乎哉女子藐爾未笄笑然主奠聞者悲之公方大漸以擬
 塚之銘見託何以爲報哀而不文銘曰
 歸全舊丘列侍先人有知當樂無知返真

成都功曹蕭公墓誌銘

前人

公諱某字某其先事具梁史蓋宣武皇帝七代孫也曾祖

憬

唐宰相世孫
表各文憬

皇朝朝散大夫湖州司馬祖元祖

表作相
禮

湘表作

州刺史贈太子詹事父詮大理評事昭穆相遺者曰

清白孝友人稱之君幼以明經登第洎天下多事投家遠
 迹而所至聞焉或吏或賓報之如一歷任曹州筦勾杭州
 富陽二邑轉都水監主簿左金吾衛兵曹調大理評事地
 官司國計使臣督王賦迭咨公以分其重公受命事集而
 輿頌隨之劔南節度使表公成都功曹掾兼佐蜀州戎事

錫以章紱不幸遇疾退閑于荆楚之間貞元八年歸故國于洛泐秋九月十四日終于康裕里第春秋五十八其冬十月二日遷祔于某縣某鄉從先公居公之志也公之生也和其發也清其行也晦其用也明其文也餘力其學也存誠其從事也口不言祿其為善也心不近名是故歷仕無報勞之寵終身無充量之榮汨沒下位摧頽壯齡傳曰天下有道貧且賤焉恥也若乃道富而家貧德貴而身賤才合二字疑而奇跡高位下恥在夫天焉如蕭公者處退而退求仁得仁焉恥焉既非所耻則又何怨夫人某郡暢氏故尚書左丞某之子昔佐公義今成公家生男四人三子十夫一子曰範方齧而嗣毀如成人姪纂遵世母幼孤之請見託為誌其詞曰

吁嗟古人不貴貴仕義猶重生德豈輕位倚歟蕭公其道不匱何以表墓唐之君子

銀青光祿大夫行平州別駕馬公墓誌銘

歐陽詹

嗚呼死也者君子曰終有唐興元二年六月二十四日銀青光祿大夫行平州別駕馬公終于京師國喪英才家亡令子國之集作不幸痛貫所集作知公諱某字某其先京兆扶風人始實趙氏累葉繼將多摠戎塞下有以因居今為燕之名流曾祖某某官祖某某官父某某官公則某官第某子也積奕世忠貞之慶得陰方嚴勁之氣天骨山峻

神姿玉耀集作神有孝有悌閨門以和有信有義州閭以

附矛戟韞器風雲馳聲燕趙多奇士公其人也用正直奉

籌畧擁旄仗節者尊以果斷行政令擐甲執兵者伏前後

佐全師大幕不有暫寧方將張翼翔雲揚髻游溟大命不

永大疾集作病遘及享年三十三秦氏醫遲顏生禡促哀哉

夫人某處某氏子二人長曰縱次曰緒永念集作思之感至

性過人以貞元十二年歲在某月某日大通卜宅于京兆

某鄉某里某原禮也天長地久埋集作煙川塹阜于何不有

乃為銘德于誌以三字集墓云

士以常第集作士如瑜在珉燕趙多奇士集無公則其人

業繼忠貞識資籌畧流器瑚璉羽族鵬鸞題輿大郡佐佑

雄師雖有極德集作雖亦匪孤時南抑集作仰搏鵬更期運

揚集作東觀逝水忽茲永往卜遠期集作及窆于此岡惟

安惟來地久天長集作天

朝議郎行鄂州司倉參軍楊公墓誌銘 前人

公諱某字某某先關右弘農人永嘉過江公自始遷之祖

若干代處於閩越曾祖某皇唐循州司馬祖某漳州長史

父某泉州南安縣丞公則南安第若干子長七尺骨目瑰

異溫良節行所至自昭風神識度群居不掩六籍外偏好

穰苴管子之術求泰中以耕戰之法致集作郊梁宋軍畫用

有成大曆元年節度使右僕射田公薦授右集作左武衛率

府倉曹參軍事在位以貞慎聞公以不仕則墜業躁求則

背道或出或處聖人爲中依吏部節文敬遵常調大曆八年集授吉州永新縣丞興元元年集授廬州司曹集作參

軍貞元三集作二年集集無授鄂州司倉參軍累職貞慎如

率府倉曹時每罷官待集卜勝屏居宴集作晏如也鄂州秩

滿愛其風土亦止焉集作愛其江山宅心焉貞元十二年冬又合集

春赴京師遇疾於途以二月四日終于汝州龍興縣之逆

旅時年六十七凡入仕三十一年歷官四政祿非豐儉以

足務雖劇通以簡上以中正集作政非重下以公平矚皆白圭

無玷朱紘有聲嗚呼公之材量如鐘含音如水待月集作盛

大小當應方圓必合公集作我則不銜人胡不求莫能全展

光耀以至殞歿悲夫夫保性居業時行則行時止則止道

也公昔於名宦之理是焉仕祿農耕猶生則營若死則已

亦道也公昨之集作於是岐路之役是焉公存以道始亡以道

終至人不違道公與之同旋正矣乎善始終者也夫人隴

西彭氏戴天之感痛以禮成長子曰集無曰字下同晃次子曰暈

季子曰果伏凶集作凶是之號以至見血以某年二月日卜葬

于某郡集作鄉某原禮也佳城一閉他時古丘後之人孰知

丘中之德墓許有誌故爲墓誌銘庶覩今爲古者明斯地

泉下有君子焉銘曰

一種鱗物神則曰龍一種植物真則曰松英英楊公於人

被物集作楊公於人被真役神藝術潛弘温良肉克名不稱實祿有負

德天桃信美不能秋敷冬日可愛日集作亦用西徂大限集作

此斯來無賢無愚英英楊公與逝川俱卜宅集作脩原有

形永圖集作東海之集作山不易其廬集作其廬周易

嶺南節度判官呂公墓誌銘 柳宗元

呂氏世居河東至延之始大以御史大夫為浙東道節度
大使延之生渭為中書舍人尚書禮部侍郎刺湖南七州
生四子温恭儉讓以温為尚書郎再贈至右僕射恭字敬
叔他名曰宗禮或以為字實惟呂氏宗子尚氣節有勇畧
不事小謹讀縱橫書理陰符握機孫子之術曰我師尚父
冑也大父洎先人咸統兵今天下將理平蔡充冀幽洎戎
猶負命早夜呼憤以為宜得任爪牙畢力通天子命作文
章咸道其志云又曰由吾兄而上三世世為進士吾文為

不墜教戒猶集作武事未克續厥緒因棄去從山南西道

節度府掌書記預謀畫不甚合以試守軍衛佐加協律郎

入薦為長安主簿復出以監察御史參江南西道都團練

軍事府表進殿中侍御史為桂管都防禦副使元和八年

去桂州相國尚書鄭公遞留假嶺南道節度判官至廣州

病疹集作瘡是瘡加滯六月二十八日卒妻裴氏戶部尚書延

齡女有丈夫子三人曰爽曰壞曰特女三人曰環曰鸞曰

倩皆幼行於道而倩又死遂以柩如洛陽附葬如集作於大

墓欵志呂氏世仕至大官皆有道宜興於世温集作泊字恭名

為豪傑知者以為是必立王功活生人不幸温刺衡州年

四十卒恭未及理人年四集作十七又卒也世固有有其

具而不及其用若温恭者邪恭貌奇壯有大志信善容物
宜壽考碩大而又克吕氏之道惡乎興銘曰
颯颯之風乎不可追有志之大乎今安歸曰君去我死乎
吾誰依

河南府司錄參軍盧君墓誌銘 李翱

君諱士瓊字德卿范陽人家世爲甲姓祠部郎中灑

之長子明經及第歷寧陵華陽

集作陰

二縣主簿知泗州院

事得協律郎鄭少師之留守東都奏爲推官得大理評事
韓尚書代爲留守請君如初尚書節將陳許奏充觀察判
官得監察御史府罷歲餘除河南府戶曹以疾免河南尹
重其能奏爲司錄參軍八月癸丑發疾而卒年六十九君

少好著文精曉吏事少遊故丞相陽炎張延賞之門揚美
其文辭張每歎其吏材過人常攝職同州當徵官稅錢時
民競出粟易錢以歸官斗至十八九君白刺史言狀請倍
估納粟下以澤民上可以與官取利刺史詰狀君辨其所
以必然刺史行之民用得饒未一月果被有司牒和收官
粟斗給六十後刺史到欲盡入其羨于官君旣去職猶止
之曰聖澤本以利民民戶知之不可以獨享刺史乃懸榜
曉民使請餘價因以絹布高給之民亦歡受州獲羨錢六
百萬其爲戶曹決斷精速曹不擁事及爲司錄始就官承
符吏請曰前例某等一十五人合錢二千

集無此二字

僦人與

司錄養馬敢請命因出狀君謂

集作呵

曰汝試我耶使拽之

將加杖承符吏衆進仰曰前司錄皆然故敢請君告曰司錄豈不自有手力錢耶用此賊何爲因叱出之召主饌吏約之曰司錄判官文學參軍皆同官環處以食精麤宜當一不合別二集無此字無踵舊犯吾不恕及月終厨吏率其餘而分之文學參軍得司錄居三之一君曉之曰俸錢職田手力數既別官品矣此殮錢之餘不當計位高下從此後自司錄至參軍平分之舊事掾曹之下各請家僮一人食錢助本司府吏厨附食司錄家僮或三人或四人就公堂餘食侵撓厨吏弊日益長君使請家僮二人食錢於司錄府吏厨附食家僮終不食官厨召諸縣府望吏告曰某居此歲久官吏清濁侵病人者每聞之司錄職當舉非法往

各白汝長宜慎守廉靖以澠池令爲戒其所改易皆刻已使人堪爲故事及君卒士君子相弔哭咸以爲能高而位卑不副有子三人孺方嗣宗嗣業號慕祗守不失家法女二人前娶清河崔敏女無子後娶滎陽鄭虬之女有子故皆附葬于祠部塋東北孺方叩頭泣曰丈人先與先父集嘗與同官而游宅居南北隣敢請紀石翽不得辭乃據所見聞者鐫其實可推類以知凡所從事之賢銘曰嗟盧君性直而用優約已以利人宜壽宜貴以拯時所難集作其緘而不伸以喪厥神豈奪惠于東民悲夫

信州司馬

集作檢校工部員外郎

任君墓誌銘

前人

君諱信字叔正樂安人殿中侍御史玄植

集作恒

之孫靈府

功曹日新之子君少遭父喪養母以孝稱京兆尹崔光遠表試左清道率府兵曹參軍勅攝富平縣尉知縣事及克復京師以功授成都府犀浦縣丞又以優授涇陽縣尉吐蕃犯都代宗幸陝州君召募吏人保守佛寺寇不敢逼擢為本縣令充渭南集作北十縣團練使及駕回京為同列潛構功不得論僕射裴冕寃而奏之得長安縣尉轉本縣丞歷大府寺丞未幾遷監察御史京畿館驛使判官中書侍郎元載為澤潯使請為判官轉殿中侍御史又檢校工部員外郎兼侍御史判官如故元載得罪君左授建州建安縣集無此字尉及楊炎入相君以書戒之由是楊怒而不用又移處州司戶再授信州司馬觀察使鮑防集作鮑非以為判官

權知饒

集作詔

州事遘疾歸卒于

集作於

信州權窆於州西原

有詩兩卷前娶宗正氏女生男冀為邠州司法參軍三女各為士妻後娶杜氏女子三人曰淑集作叙下同曰羨曰弁女五人長女嫁長洲尉源咸季次女權適權穎三女早卒少女二人未許嫁淑歷佐太府以吏能有聲為度支振武營田使得試協律郎攝監察御史元和十四年杜氏卒淑乃自信州奉府君之喪合葬於萬年柳村從先人舊塋淑嘗與翺同事嶺南府翺知淑之賢集作方亟薦於時故淑來請誌銘曰

士生于時兮所貴者才有才無命兮古今所哀噫

歙州長史隴西季府君墓誌銘 前人

府君諱則字某涼武昭王十三世孫大父獻眉州別駕時
宰相有請婚者力不可止因去官歸集作居家第遇疾集作病

暴卒別駕燒一指以禱於神既而弟復生自說方就繫上
帝有命以兄燒指宜復其生別駕生令一侍中源乾曜一

子求婚府君拒之固以詞抵之貶黔州彭水尉遂以壽終
府君始十餘歲先夫人以之從喪歸殯汝州由是依于舅

族少好老子莊周之言與群童居集作游盡能記他童之始
集作所習先夫人學左氏春秋博該百家之書故府君以經

史浸潤力田供養由是少不肯求仕善草隸畫弓矢博奕
皆得其妙既冠得濠州定遠縣集無縣字尉假領他縣令嚴而

行吏急民寬富豪并貧民之產而不稅者盡以法治之貧
民用安罷職復還其初從事嶺南得試左蜀本作右武衛兵曹

於福建得試太子通事舍人大理司直授歙州長史宣歙
觀察使請為判官奏未下以疾卒年七十四夫人河南元

氏壽州刺史從之女年六十八先府君而終生子某子某
皆未仕早卒女子五人長女婿禮部員外郎鄭錫次女婿

桂府觀察使杜式方次女婿京兆韋放次女婿滎陽鄭循
禮小女婿密縣尉鄭公瑜幼子克恭少讀書學文以兄舉

進士家事自飾弗克求名故年四十有六始奏授睦州司
兵累遷試大理司直兼殿中侍御史充鹽鐵推官寶曆三

年三月克恭奉府君夫人之喪歸葬于鄭州某縣岡原鞠
知克恭之材十三年矣故克恭以府君之葬來請且曰將

以六月庚申定知克恭者若吾季叔又何何字集作安可以辭銘

曰

德不稱祿鬼神之責材優以賤古人不戚非道不集作求

曷計人爵慶蘊而傳後必有積其葬為誰孝子之下著蔡

僉吉嘉原乃蜀乃作創擇合骨于茲終求其託何以識之有封

有相

文苑英華卷第九百五十七終

文苑英華卷第九百五十八

誌二十四

職官二十

王倉曹墓誌一首

李巡官戴墓誌一首

杜支使顓墓誌一首

杜司馬詮墓誌一首

裴巡官希顏墓誌一首

楊州倉曹參軍王府君墓誌銘 白居易

公諱某字士寬其先出自周靈王太子晉凡二十一世集作

代而生翦翦為秦將軍又三世而生珣珣居太原故今為

太原人又一十九世集作代而生瓊瓊為後魏僕射謚孝簡

公又三世集作代而生曾祖諱滿官為河南府王屋縣令王

父諱大璉為嘉州司馬父諱昂集作為京兆府咸陽令河

南府伊闕令有文行學術應制舉對沈謀秘畧策登科詩
入正聲集公則集作伊闕第三子好學善屬文天寶中應

明經舉及第遷授婺州義烏縣尉以清幹稱刺史帝之晉
知之署本州防禦判官無何租庸轉運使元載又知之假

本州司倉專掌運務歲終課績居多又集作遂奏聞真受永

泰中勅遷越府戶曹屬邑有不理者公假領之所至必理

大曆中本道觀察使薛兼訓以公清白尤甚表奏之有詔

權知餘姚縣令時海寇初殄邑焚田荒及營邑居四字集

營邑創器用復流庸闢菑畚凡江南列邑之政公冠其首

焉集無其制邑闢田增戶之績則會稽之牒地官之籍載

焉建中初授揚州倉曹參軍至四年七月二十六日疾歿

于揚州江都縣私第集作歿于江春秋六十有二夫人清

河崔氏鳳閣舍人融之姪孫鄭州司戶集作昂之女婦順

母儀集作為中外師集作中貞元二十年十一月十三日

疾終于三原縣之官舍享年六十有三集作有子曰播曰

炎曰起咸以進士舉及第播應制舉對直言極諫策授集

賢殿校書郎累遷監察殿中侍御史三原令炎既第未仕

起應博學宏詞科選授集賢殿校書郎昆季三人不十年

而五登甲科時論者榮之一女適范陽盧仲通播等護號

集作靈輿以永貞元年十月二十五日遷柩于京兆府富

平縣淳化鄉之某原從吉兆也嗚呼夫懋言行畜事業俾

道積于躬者在人也踐大官贊元化俾功加于民者由命

也有其人無其命雖聖與賢無可柰何惟公受天地之和積為行發為文宣為用故在家以孝友聞在官集作行已以清

廉聞從事以幹蠱聞如金玉在佩動而有聲其大者又常以經德秉哲致君濟人為已任有識者心集作深知之宜乎

作王者心膂耳目之官以經緯其邦家而才為時生道為命屈名雖聞於天子位不過於陪臣鬱然殞歿不展其用

者集作鬱鬱然沒而不展其用者命矣夫古人云有明德大智者若不當世其後必有餘慶今其將在後嗣乎不然者何乃德行政

事文學具美叢於公之三子乎天其或者殆將肥王氏之家大王氏之門以甚明報施之道者也其不佞頃對策於

王庭也與播集作炎同升諸科焉祗命於憲府也與播連集作

聯執其簡焉及其集無此字為考文之官也又起在選中焉既

集無此字辱與公之二三子游而聆公之遺風甚熟故作斯文

無隱情無愧辭焉銘曰

緱一作淮非山道光淮水靈長繩繩子孫代有賢良將軍輔秦

武功抑揚孝簡翊魏文德閣彰降及於公實生于唐大智

全才應用無方作掾于郡三語有章承乏於邑一同在康

展如之人何用不臧直登大位俾紹前芳嗚呼百鍊之鋼

集作金不鑄于將十圍之材不作棟梁公亦如之與世不當

道不虛行後嗣其昌

平盧軍節度巡官李府君墓誌銘 杜牧

牧大和元年舉進士集作及字第貢於集作鄉貢上都有司試於東

都在二都群進士中徃徃有言前十五年有進士李飛自江西來貌古文高始就禮部試賦吏大呼其姓名熟視符驗然後入飛曰如是選賢耶卽求貢如是自以爲賢耶因袖手不出明日徑返江東牧曰誠有是人吾輩不可得與爲伍矣後二年事故吏部沈公於鍾陵宣城爲幕吏兩府凡五年間同舍生蘭陵蕭寘京兆韓又博陵崔壽每品量人之等第必曰有道有學有文如李處士戡者寡矣是卑進士不舉嘗名飛者牧益恨未面其人宜喜其人之在位也大和九年爲監察御史分司東都今諫議大夫李仲敏左拾遺常楚老前監察御史盧簡求咸言於牧曰御史法當檢謹子少年設有與游宜得長厚有學識者因訪求得

失資以爲官洛下莫若李處士戡牧謝曰素所恨未見者卽日造其廬遂旦夕徃來開成元年春二月平盧軍節度使王公彥威聞君名挈卑詞於簡副以幣焉請爲節度巡官明年春平盧府改君西歸病於路卒於洛陽友人王廣思恭里第享年若干君諱戡字定臣七代祖渤海王奉慈祖杠衢州盈川令父登婺州浦陽尉浦陽晚無子夫人吳興沈氏夢一人狀甚偉捧一嬰兒曰予爲孔丘以是與爾及其集作期而生君因名曰天授君幼孤旁無群從可以附託年十餘歲卽好學寒雪拾薪自炙夜無燃膏默念所記年三十盡明六經書解決微隱蘇融雪釋鄭玄至于孔穎達輩凡所爲疏注皆能短長其得失一舉進士恥不肯試歸

晉陵陽羨里得山水居之始開百家書緣飾事業每有小
功喪訖制不食肉飲酒語言行止皆有法度陽羨民有闔
諍不決不之官人必皆以詣君所著文數百篇外于仁義
一不關筆常曰詩者可以誦可以流於竹鼓於絲婦人小
兒皆欲諷誦國俗薄厚扇之於詩如風之疾速常集作嘗痛
自元和以來有元白詩者纖豔不逞非莊士雅人多為其
所破壞流于民間疏于屏壁予父女母交口教授淫言嫖
語冬寒夏熱入人肌骨不可除去吾無位不得用法以治
之欲使後代之有發憤者因集國朝已來類於古詩得若
千首編為三卷目為唐詩為序以道集作導其志居江南秀
人張智實蕭寬韓人崔壽宋祁楊發王廣皆趨君交之後

皆得進士第有聲名

集作名聲

官職君尚為布衣然於君不敢

稍怠君在洛中困甚河南節度使蕭洪移鎮鄜州諫議大
夫蕭倣以君言於洪洪素敬諫議即欲謁君以請君曰人
間譁言洪盜籍外戚一窺其面能易吾死尚且不忍死况
為其黨乎居數月洪果敗娶弘農楊氏女早卒子二人長
曰審之次曰鼎郎始五歲以某月日權葬于常州宜興縣
某鄉里某於君為晚交得君最厚因為之銘曰

命如烟雲道比

集作宅

宮道煙雲飄揚莫知往來為道不至

無以偃息有道有命偶然相值命不在我不肖亦貴豈可
指此與彼為市嗚呼定臣曰德孔循集作脩曰學必聖飾集作

飭

我競競不一

集作一

不言命可傳其心以教後生嗚呼哀哉

淮南支使試大理評事兼監察御史杜君墓誌銘

前人

君諱顓字勝之曾祖涼州節度使襄陽公贈左僕射希聖
大父司徒平章事太保致仕岐國公贈太師佑皇考駕部
員外郎贈禮部尚書從郁君幼孤多疾目視昏近先夫人
不令就學年十七讀尚書十三篇禮記七篇漢書至集作止

賈誼傳不復執卷年二十四明年當舉進士始握筆草集作

葺闕下獻書與裴丞相度指言時事成合集作各數千字不

半歲遍傳天下進士崔岐有文學峭澁不許可人詣門贈

君詩曰賈馬死來生杜顓中間寥落一千年二十五舉進

士二十六一舉登上第時賈相國餽為禮部之集作年朝

士以進士干賈公不獲有傑強毀朝者賈公曰我只以杜

顓敵數百輩足矣始命試祕書正字匱使判官李丞相德

裕出為鎮海軍節度使辟君試協律郎為巡官後貶袁州

語親善曰我聞杜巡官言晚十年故有此行太和九年夏

君客揚州六月授咸陽尉直史館君曰訓注必亂可徐行

俟之至汴二竟敗及洛以疾辭東下居揚之集作龍興寺

承相牛集作公僧孺請君入幕府君謝曰李公在困未願

副知已開成二年春日益昏冬遂喪明李為淮南節度使

復請為試評事兼監察御史支使兄牧自馮翊迎醫石生

曰是伏集作腦脂下融名曰內障如蠟塞管蠟去管明俟

脂凝可以抉去無不愈者後二年石曰可治治不効自馮

翊別迎鑿醫曰嗟乎障有赤脉如木根橫可牢不可斷是法名曰日脚內障生日脚者法不可治君因居淮南築室治生不復言治眼事聞於天下無不嗟嘆君安泰自如令人旁讀十三代史書一聞不遺客來與之議論證引聽者忘去年四十五大中五年二月二十五日卒男集作一男曰麟師年十歲女曰署集作署兒始五歲六年二月八日歸葬先塋實萬年縣洪原鄉少陵西南二里牧今年五十假使更生十年為六十人不夭矣與君別止三千六百日耳况早衰多病敢期六十人乎忍不抑哀以銘吾弟銘曰古之達人以生為寄為夢以死為歸為覺集作竟不知生偶然乎其有裁受乎偶然即泯為大空與不生同其有裁

授集作受乎嗚呼勝之今既歸而覺矣其自知矣何為其然乎嗚呼哀哉

復州司馬杜君墓誌銘

前人

公諱詮字謹夫河西隴右節度使襄陽公贈司空之曾孫司徒岐國公贈太師之孫司農少卿贈給事中之子公以岐公蔭調授揚州叅軍同州馮翊縣丞衛尉寺主簿鄂州江夏縣令復州司馬年六十其年月日終于漢上別業岐公外殿內輔凡四十年貴富繁大兒孫二十餘人集作孫兒餘二十晨昏起居同堂環侍公為之親不以進門內家事條治裁酌至於筐篋細碎悉歸於公稱謹而治自罷江夏令卜居於漢北泗水上烈日笠首自督耕夫而一年食足二年

衣食兩餘三年而室居集作屋完新六畜肥繁器用皆具凡

十五年起於墾荒不假人集作之字一毫之助至成富家翁常

曰忍恥入仕不緣妻子衣食者舉世幾人彼忍恥我勞力

等衣食耳顧我何如後授復州司馬半歲棄去終不復仕

以某月某日歸葬于長安城南少陵原司馬村先塋牧為

從父涕泣而銘曰集作泣涕而書銘曰

公侯之家所業唯官薄官集作官業農墾荒室完入仕多恥

以農力勞等衣食耳勞力者賢歸全故丘慶期子孫集作孫子

邕府巡官裴君墓誌銘

前人

君諱希顏字某裴氏於百氏中獨標其族曰眷三分之為

東西中君東眷裴在國朝名位最大曰冕艱難中定冊立

肅宗於靈武而相之繼相代宗僅十五年國史有傳冕於

君為堂伯祖父王考某終朗州刺史娶宣州寧國令榮陽

鄭某女生四男君為首生朗州為塾屋河西令道朗二州

刺史公廉剛簡強於愛人凡關百姓一毫事與京兆尹節

度使爭論大聲於庭府間前如無人然未嘗以杖責治家

家人有過失則諭之諭不變者出之為良人終不忍牽鬻

於市將終鄭夫人泣請遺令曰吾之廐騾為塾屋時役之

今踰十年聽其老死慎不可賣言訖而絕君生浸染仁父

之化温良柔友窮居鄂集作鄂縣饑寒集有餘字二十年未嘗出

一言以温不足謂農卿裴及為邕府經畧使辟君為從事

得南方疾歸大中二年某月日卒于集有其字家享年若干不

娶無子牧娶裴成實君之私其弟覺泣來請銘銘曰
淑其性生無位死無辜孰識其端

文苑英華卷第九百五十八 終

文苑英華卷第九百五十九

誌二十五

職官二十一

李明府嘉墓誌一首

楊明府靈崩墓誌一首

楊明府鷗墓誌一首

權明府有方墓誌一首

白明府季康墓誌一首

隰川縣令李公墓誌銘

楊炯

公諱嘉字大善隴西成紀人也趙郡太守雍州大中正上
開府永康公之孫幽州都督鎮軍大將軍上柱國丹陽公
之子重華以文明允塞謨九德於臯陶仲尼以恭儉溫良
繙六經於柱史將軍李牧人主願其同時河尹李膺天下
思其執御况乎衣冠代美祖考集有時續二字家聲占於日月可

宗集作周之姻集作姓誓以山河則炎集作漢之劉氏公

門承將相地積英靈望之儼然橫斷山而鬱起聽其言也

注懸河而不竭王則秦王所見天照白虹劍則殷帝所傳

星浮雲集作氣假使蔡中郎之博學郭有道之人倫何嘗

不聞迎王粲而倒屣為茅容而下拜起家為太子左千衛

以調升也按河圖於王版震一索而為長男考天象於銅

渾心前星而為太子直城霞遠曲障雲平出入青榜之門

周旋黑衣之列稍遷越王府戶曹參軍越之建國也地居

南斗之躔王之受封也禮極東門之拜即爵集作所以隆

懿親恭和所以資明德一言而干楚后即從集作雲夢之

政三見而說趙王仍襲上卿之印又遷隰川今川原爽塹

風俗和平晉獻公之胤夷吾是邑代恭王之子郢容為候

漢書代恭王子義嗣其父為王楚元王子郢容止為候今

英華云代恭之子郢容為候未詳而烟集乃云楚代恭王

之子郢非容為陽泉依六壁之城孟津合三溪之水公以

輜車就列墨綬當官有蠶績於邠人用牛刀於魯邑市鄧

無競不假鞭絲學校方興唯聞擊石諸侯取其軌則四海

瞻其儀表為杜陵之男子誰繼集作後曹篋鄉里之小人

願辭彭澤於是退歸初服就養私門戲嬰兒於階下扶老

生於井上尋丁外難集作哀毀踰制加人一等俯就三年

服闋襲封丹陽公勲上騎都尉公以安車禮盛賜杖年高

集作被服先王之道游優太平之化左琴右書謀孫翼子

居常飽德不言何氏之萬錢直置當仁豈特于公之駟馬

清風可賞必有鸞鳳相期白雪時遊多以神仙見屬義形
於金石節貫於松筠西山五日之朝將化羽而生翼北海
明年之一作大驗便展集作辰而至已以永淳元年八月
二十一日終于京師道政里之私第享年七十二嗚呼哀
哉長子隨州光化縣令守節等哀纏弟鶴痛結鄰人孝之
始也則身體髮膚所以全其性孝之終也則衣裳棺槨所
以成其禮天高八萬想京兆而可集作從地闊三阡對佳
城而有恨越弘道二年歲次甲申正月甲申朔二十六日
已酉陪葬於昭陵東南之平原烟樗櫟庸材瓶管小集作
噐仰惟先友叨雅契於金環俯逮婚集作姻荷深知於玉
潤南容有道僅聞將聖之言東武建塋俄述安仁之賦集

詩嗚呼哀哉乃作銘曰

愛初帝子堯之大理降及真人國之柱史衣冠百代慶靈
千祀吉兆占熊嘉名贈鯉聿脩厥德必復其始大孝因心
至仁由已肅成門內章華宮裏父任為郎學優則集作仕
陽山之曲蜀江之涘集作月旦乘鳧田間狎雉其心若鏡
其直如矢亟改炎涼罷歸桑梓象賢舊國安車暮齒忽愴
池臺俄悲生死郭門一望郊煙四起夫復何言平生已矣

滑州匡城縣令楊君墓誌銘

常袞

嘗讀東觀漢記至楊公四世大尉咸有清德泱泱乎鄒魯
之風盡在丞相府矣百有餘年論道王室宜哉自後卿大
夫洎二千石史不絕書以及于公公諱靈嗣字靈嗣弘農

華陰人也高祖兵部尚書高都公尚希尚希生宜州別駕
丹川公壽旻壽旻生司農少卿徵徵生正議大夫漢州金
堂縣令務道光昭先君之懿範其有後于關西乎公金堂
第二子也幼以五經上第參卿博陵貳職郿郿孫楚長揖
桓譚不樂一錄州事會稽稱之再領縣尹自范至匡化行
衛濮公易直子諒之心根於始矣加以好學止于蓋棺德
行孝悌溫良博愛故宗族稱其仁朋友稱其信鄉黨稱其
敬蓋君子之道歟及長從吏以寬服人官刑不行職事益
辨及與之邑亦尅用义和氣充塞於百里頌聲洋洋乎至
今其良吏之政歟赤綬在股下大夫事知止足之分有終
焉之志懸車告老歸巾待期浮雲身世脫屣軒冕追先生

於彭澤繼徵士於太丘斯達者之流歟天寶十四年十二
月十日寢疾于匡城縣歸休之私第春秋七十有三屬賊
臣以山東叛乃公歿之明日也且告車來甚衆徹子少殯
故有闕在邑南鄙於堂西序啓足牖下上周於身十年于
茲百戰之所折棟餘燼荒墳茂草柱下史能秀武公之嘉
客袞之姻友廣德元年夏四月本詣河外假道于匡訪郿
公之舊邑歸戴侯於故里以其年十月一日合祔於少陵
原禮也夫人河東縣君薛氏婦道母儀六姻取則於我歸
處葛之覃兮及公而終木已拱矣子環在外不及主喪其
誰尸之曰有三女無天何戴無地何履誓合泉壤感通神
明終還營丘竟同防墓空悲蔡女之孝有媿潘郎之詞銘

曰

夫物云云 老子作 各復其根事有必至理有固然少陵古

原京兆新阡巨城夫人河東小君同居此地豈恨重泉誌

于方石庸有賢人

犀浦縣令楊府君墓誌銘

符載

唐益州犀浦縣令弘農楊府君春秋三十九以大曆十四

年冬十月卒于郫縣之私第且迫多故權窆于是縣之近

郊有才子衡進士擢第官曰左金吾衛倉曹參軍為桂陽

部從事以貞元十五年十月某日啓護于成都以十六年

春二月某日歸葬于鳳翔之陳倉某鄉某原從先塋也府

君諱鷗字叔儀漢大尉次子復之裔羽林衛大將軍襲

國公之曾孫金吾衛大將軍漢潤瓊濮等六州刺史令深

之孫朝請大夫絳州司馬昭獻之子發緒洪流丕承和粹

世嗣厥德休有光耀府君涵五氣之英華挺九流之上才

端睦孝慈勇義而文年甫弱冠儔朋推揖鄉里舉考士未

果銓試遭司馬捐館崩迫歸絳營丘三年服除承順遺命

再射弄穀會大盜入國太上皇南巡以制科登第補修前

績怏怏有遺意也解褐授隴州汧隴縣尉地衝賊要方急

完禦公以一尉之柄推挽令長驅徒走吏摧沮橫猾用張

我師天子聞而嘉之詔授大理評事參佐汾陽公幕府暮

猷碩畫實詢我焉是時公年未三十聲華隱發青萍出匣

霜鉞照人人既心畏我之自負繇是有貝錦之詩焉遂除

成都府戶曹參軍事太夫人在堂公養志氣奉遺體動無
違顏唯疾之憂故州閭稱其孝也孤寡稚弱族居百口饘
褐齊一莫名我爾故朋友尚其義也有從祖父誤淪罪網
家為奴隸宗屬顧視咄嗟而已公破鬻田產露坐佛寺不
計旦夕悉以資贖世母與太夫人重聯姊妹之歡眇焉室
妹奮出泥滓嘉偶于吉士故鄉黨服其仁也於風流興詠
高標憂遠妻嫂姑姊妹群從子弟又雅為文每良辰美景
指烟月酌琴酒未嘗不操觚拂硯搜拾奇麗不出庭戶瓌
如瓊瑤亦一門之盛永泰三載蜀將亂迫公不從之築塞
門戶視死不應相國杜公鴻漸景行操履奏授犀浦縣令
涵牛之鼎用烹小鮮一邑之理固不待歌頌而知矣時視

僚友杜員外甫岑郎中參都舍人昂聞公風聲望公飛翔
謂青冥寥廓舉翼而至不幸殞落鄰乎短柩遠邇承風失
聲咨嗟與善降祥其安在哉夫人李氏趙郡之望族也祖
崇饒州司馬考譔成都府法曹大夫貞懿文淑風度明茂
奉上撫下閨門穆然天寶十四載春秋十七而歸于我在
蜀前公二歲而歿故至二是合祔焉倉曹少孤露始在齠
孺荼蓼辛螫厚自砥礪攻文種譽樹身頃時克荷嘉聲君
子以為孝嗣矣某與倉曹為山林之友二十年矣迢遞萬
里見託為誌故一作非得備采風烈銜恤為銘刻于墓門之
石銘曰

寶鷄古地鬱穹崇兮高山大澤氣所鍾兮神歸卜宅安其

中兮延休發祉方未窮兮

再從叔故試大理評事兼徐州蘄縣令府君墓誌

銘

權德輿

府君諱有方字某天水略陽人

集有也字

曾祖崇本皇朝散大

夫滑州匡城縣令祖若訥皇右補闕起居郎桂欵梓三州

刺史考做皇杭州紫溪縣令代以儒門四科為家法故發

於文則菁華施於政則惠蘇公承是休德飾躬踐行得詩

之無邪易之通理凡五授命皆以推擇曰左清道率府兵

曹參軍太子通事舍人陳州司法參軍亳州司士參軍以

集有至字大理評事兼徐州蘄縣令滿歲南浮

集作游

遘疾于途

以貞元十六年夏五月歿于楚州之旅館春秋若干夫人

河間劉氏樂城公仁軌之玄孫也明智才淑有子曰長

弱冠舉進士甲科文行清修苴泉其容水漿不入以其

集其年某月日得書于某地其引也蓋殯也以與師繁興

未遑歸窆於東周之大塚姑刻圓石書其略云公夷通直

信睦姻任恤位卑而志弘居約而家肥有為有守不疾

集夜不踰其初命再命宮衛贊謁雖未居真秩而四方之嘉

招狎至其後椽二邦奉六條受祿不誣實聞其政或攝領

通邑或分乘輅車皆有裕人之仁急病之義及理於蘄也

能遂物之宜不奪人之時嘉惠善利洽於千室猶即墨桐

鄉之理無不及也又嘗饋師於田中從事於夷門皆有功

利稱於其府其去蘄也西方節將議委以謀猶介撰之重

且謂兮旌之未稱也將以柱後惠文之冠招公章既上而
公大病斯可歎也集作已猶子族子自替及總侍疾承計崩
波塗潦又以見公夙訓慈仁之所逮也噫噫集作噫自匡
城至公四代而三為縣大夫皆用循政聞且以兩漢邠曼
容陳仲弓為準故不至豐祿加以梓州之懿文盛德排抑
於時道未光大終於郡節或者蕃祉必復其在後裔乎此
宗門所以有望於公之孤之昌大也既而緘公理命命以
論譔小子愀然涕洟而為之銘曰
恭惟叔父信厚清厲有車翹翹將事匪懈椽吏二部文而
無害施化一同斬人以乂易象視履謂耆而艾奄然不淑
力命相盪楚挽虞殯風烟晦昧屬詞貞珉寧此厚載

溧水縣令太原白府君墓誌銘 白居易

公諱季康字某太原人秦武安君起之裔胄北齊五兵尚
書建之五代孫也曾祖諱士通皇朝利州都督祖諱志善

尚衣集作鑿奉御父諱鱗揚州錄事參軍公即錄事府君次

子歷華州下邳縣集無尉懷府河內丞徐州彭城令江州

潯陽令泗集作宿元和四年始析泗州之虹州虹縣令宣

州溧水令某年月日終集作于溧水官舍明年某月日歸

塋于華州下邳縣某鄉某原享年若干嗚呼公為人溫恭

信厚為官貞白嚴重友于兄弟慈于子姪鄉黨推其行交

游讓其才自尉下邳至宰溧水皆以廉潔通濟見知於郡

守流譽於明察才不遇集作時道屈於位而徒勞於州縣

竟不致於青雲命矣夫哀哉公前夫人河東薛氏先公若
于年而歿生二子一女女號鑒虛未笄出家長子某杭州
於潛尉次子某睦州遂安尉後夫人高陽敬氏父諱某某
官生一子二女女皆早夭子曰敏中進士出身前試大理
評事歷河東鄭滑邠寧三府掌記夫人在室以孝敬奉親
為淑女既嫁以柔和從夫為順婦及主家以慈正訓子為
賢母故敏中遵其教飾其身升名甲科歷聘公府以文行
稱於眾以祿養榮於親雖自有資兼集作財然亦由夫人誨
道之所致也夫人以大和七年正月某日寢疾終于下邳
別墅享年若干以明年某月某日啓溧水府君薛夫人宅
兆而合祔焉禮也時諸子盡歿獨敏中號泣喪兼集作事託

從祖兄居易誌其

集作于

墓石銘曰

繫我叔父溧水府君治本於家事政施於尉

集作縣

民繫我

叔母高陽夫人德脩于家室慶積於閨門訓著趨庭善彰

卜隣故其嗣子休有令聞

文苑英華卷第九百六十

誌二十六

職官二十二

高贊府墓誌一首

郭贊府墓誌一首

盧贊府墓誌一首

崔贊府遊墓誌一首

盧贊府峴墓誌一首

權贊府達墓誌一首

鄭主簿約墓誌一首

李主簿少安墓誌一首

韓主簿慎墓誌一首

崔少府泳墓誌一首

皇甫少府墓誌一首

獨孤少府正墓誌一首

宣義郎騎都尉行曹州離狐縣丞高君墓誌銘

陳子昂

君諱某字某其先渤海脩人也因仕居洛陽集無此字今為陽

翟人昔赭鞭乘運襲赤帝之宗蒼兕膺集作應期承太公之

胤崇勲霸業光烈猶存曾祖某北齊太子中舍人贈冀州

刺史青宮近侍光寵朝班皂蓋追榮恩崇國禮祖欽仁隋

左親衛大都督檢校秘書郎帶七尺劍始遊天子之階提

集作持三寸筆終入芸香之閣父相唐江州潯陽令舒州懷

寧令絃歌之化身不下堂神明之威蝗猶避境君即懷寧

府君之長子也黃河一直青松千集作萬伋性惟仁孝行實

溫恭文義必以潤身名節由其徇物唐龍朔元年應集作有

制舉忠鯁君對策及第試永州三字集作試守秦州非湘源縣尉位

卑黃綬志在清規秩滿以常調補鳳州黃花縣丞梁竦長

懷尚勞州縣桓譚不樂空負琴書又轉易州遂城縣丞以

管輅之才從趙典之任古人斯在君子居之大周革命任

曹州離狐縣丞而春秋已高日月方出武盡美矣不侍集作

得夷齊之臣文武郁乎自循集作夏商之道於是因階秩

蒲告老歸閑閑郊葬於南野習巖居於東澗詩書琴酒以

觀先達之風山木丘園將為遺老之賞天授二年歲在單

閏七月二十二日考終厥命卒於陸渾縣明高之山莊時

年七十有二嗚呼哀哉君雅尚清節素履元亨懷古人之

遠圖慕先賢之遺烈以為桓魋石柳非合集作則於禮經墨

翟桐柳實宜於聖典遺令薄葬務取隨時即以其年十月

日葬於北邙山平樂之原禮也嗣子思恭孝思罔極喪制

過哀思封樹而緬懷恐東西而不志白楸為柳爰遵古葬

之儀冊漆題封即表末年之記銘曰

泱泱大風其太公兮穆穆君子紹厥宗兮中鯁察廉仕漢
宮兮才位高卑考永終兮哀哀孤子號蒼穹兮歸葬平陵
松栢拱兮

集作栢
松栢兮

咸陽縣丞郭君墓誌銘

常袞

公諱某字某昔蔡邕叙有道之碑已詳姓氏司徒以廉直
稱太守以仁明著祭酒之籌畫黃門之才理克作於曾祖
驃騎將軍光祿卿仁最祖汝州司馬茂禱父濟州刺史崇
禮咸以文武孝謹傳于子孫公即濟州府君之長子也高
朗有識奉親孝事上敬睦于兄弟信于朋友好言王霸大
略經術大義簡而無傲剛近於仁而能端本靜末仗雅

正年十二有老成之量季父崇默不以常兒見遇謂必大
吾門伏波之言不敢失墜仲容之器居然宏達尋以明經
擢第歷洛州平恩縣尉左金吾衛兵曹參軍明恕貞恪清
廉仁愛克施於政政有經矣故幕府三辟時稱得俊御史
中丞李處古侍御史崔希逸節度使張嵩爰以將命之務
諮焉公之佐廉問也旌別淑慝樹立風聲進厥賢良不仁
者遠率由簡易希下按章從容以和大變其俗公護戎事
也善用文韶制其邊患本詩書之義府資德刑之戰器軍
吏緩帶兵車稅鞅譚笑樽俎疆陲晏然凡所介貳皆有卓
絕之稱每歸功於上豈代師受名而士君子多所推重方
將萬里橫海一飛青雲三十有六年至于命天開元十八

年四月十八日寢疾終于長安第里命薄葬布車一乘而已不忘平生之儉以示後昆之訓惟公博識強辨尤好理論至于縉紳風教得失之間處正其義不以錙毫假物善與人交不改柯葉一時之俊千里應言分宅字孤謂之已任而特相友善者時則有若呂向梁涉庫狄履温終以儒才良器綢繆省闈每一拜命未嘗不相謂曰使君不歿吾輩豈先處顯地其精鑒雅望有如此者夫人安定梁氏執禮之坊有儀可則哀敬以事宗廟謙柔以和娣姒栢舟之誓年在幼冲諸孤始孩一生所寄送往過禮撫存以慈魚菽之祭以彰勤儉俎豆之訓不墜文儒時人謂之大家國史編於烈女徽音淑行雅有餘芳開元十九年十二月二

十四日終于雒陽私第玄寢異室三紀于茲壬寅歲詔贈府君大理丞追封夫人安定郡太君德盛流光禮徽優典永泰二年十一月日合祔于金城縣太平原禮也嗣子大理丞縱侍御史絳夙遭閔凶不及詩禮之誨尚賴慈獎幼養而親不逮再仕而心不喜春秋窀穸痛結寒泉月日有時禮尊同穴蒸蒸之慕有感人倫以衮夙有通家之好俾叙先君之德銘曰

世載忠厚有倬其道尊顯府君光昭祖考達識宏量汪汪浩浩五經紛綸精義入神勞我州縣汨我風塵不屑其志與時屈伸乃佐軍政戎荒底定乃登轡軒郡邑從今交則

不黷久而益敬有才無年零落重泉遺孤改隧合祔終焉

舒州望江縣丞盧公墓誌銘

梁肅

范陽盧君諱某字某漢侍中尚書植之裔孫北齊民部侍郎范陽伯士嬰之玄孫上蔡令彞倫之孫泌陽令某之季

子其令德甲

集作官

族上矣君孝發于內不懈于外禮極于

上不遺乎

集作其

下得太和之正性蘊明哲之茂器學以聚

之問以辨之百行行之一以貫之干祿代耕非近榮也安

卑從政非離群也弱冠舉孝廉授舒州望江縣丞夫道德

繫乎已窮達繫乎時惟天生德於君而止諸下位卑道消

乎當世

十字集作不界之年不與之位

噫造物者不其惑歟享年四十有

四天寶元年月日終于慰氏私館是歲權窆于潁川之許

昌里大曆七年月日胤子太常寺協律郎東美初奉嚴訓

以公之喪後祔

二字集作從

先大夫于陽翟之某原禮也夫默

而成之存乎德紀德音者存乎詞銘曰

顯允君子克廣德心邈乎其高淵乎其深雲藏于山風隱

于林時雨下降不聞其音性含元化形隨逝水天何言哉

命也已矣山川有變兮

集無今字

令聞不已

洪州建昌縣丞崔君墓誌銘

權德輿

君諱遴字某博陵安平人也六代祖北齊右僕射昂以文

學正直周歷諸曹禮樂刑政所損益者十七八生隋水部

司門二郎中洽有風儀器尚以世其家司門生皇掖縣令

曇首掖縣生武邑令昭

集作紹

武邑生白水尉頂頂生汾西

令贈定州刺史昇之自掖縣四世含德不耀君即定州府
 君之長子故相國右庶子安平公其介弟也恬淡愿懿不
 遷於時仁于鄉黨友于兄弟大歷中御史大夫贊皇李公
 之宣風于吳也聞其賢起家表薦集無為常州武進縣尉
 跡聞集作知已心不近名俛視官曹非其好也建中初嗣
 曹王分闕察部于九江之西又以名聞轉洪州建昌縣丞
 君喟然曰莊生於陵子吾之師也惡用是哉終不屑就先
 是築室於昆陵疏清流蔭碧蘚樹藝偃仰有終焉之志貞
 元十年正月日寢病集作疾終於其家享年六十三夫人范
 陽盧氏華宗淑行動脩集作循禮法其孤景伯等年未及冠
 皆專經趣善藐然銜恤護奉輜車以明年十月某日歸柩

于河南東原之舊塋先遠故緩也季弟著作郎逵貞謀集作
 諒是遜悌稱於士林抱終鮮之痛主歸全之禮以德輿詳其
 素履俾為墓銘銘曰
 公綽之道澹無欲兮結集作身用晦言可復兮視履考祥
 宜戩穀兮乃如之人胡不淑兮周原舊封森拱木兮於以
 寧神識陵谷兮

潤州丹陽縣丞盧君墓誌銘 前人

君諱峴字某范陽人自一有元字魏已降官婚人物為天下清
 甲大略書于國史詳言在乎家謀今所書三葉自曾王父
 衛州司馬府君諱弘壽初貞晦不仕公車徵拜生冀州信
 都主簿府君諱友裕友裕生楊州高郵縣令府君諱相君

即高郵之第若干子奉前人之業講先師之訓以之克家
以之從政直方謙厚卑不可踰筮仕三次不離州縣之職
曰亳州蒙城縣主簿楚州寶應縣尉潤州丹陽縣丞寬敬
蒞事不希名譽故每當庶問薦延之目集作使臣陵明之
舉皆遷延晦避時議多之清行懿名竟用不振以大曆九
年七月日寢疾終于官舍享年五十五其婺龍西李氏柔
順有婦行嗣子某等訣于著蔡街恤襄事以關河不靖未
克歸祔遂以某月日權厝於縣之北原焉從宜也予僑居
丹陽嘗與君游故粗書事實以備刻石銘曰
生死云云如環斯循于嗟盧君於此歸根

再從叔京兆府咸陽縣丞府君墓誌銘 前人

府君諱達字某天水略陽人曾祖崇本皇朝散大夫滑州
匡城縣令祖若納皇通議大夫桂欵梓三州刺史考僕皇
深州安平縣令自十二代祖前秦安丘敬公至四代祖平
涼公皆有勳力為通侯大吏自匡城至安平以文采政事
為列城二千石家法休聲貽于後昆府君以士行吏理平
端簡實大曆初調為家令寺主簿歷同州馬翊縣尉河南
府登封主簿京兆府咸陽縣丞居之必聞考績得之必由
綜覈中外之姻或擬戚里都侈鄉未嘗巧從以去窮約且
以枉道由徑食浮於人為誠大率每十歲徙一官故歷三
紀而四受祿勤官肅事不誘於長上循理蹈和不懼集作
於徒羨其有常歟其難進歟貞元十九年歲在癸未秋七

月壬戌感風疾終於新昌里享年六十先是夫人南陽張氏明茂有禮法亦天奪其壽府君周纘既除三月而鞠凶及悲夫子墳等謀於族屬家老以明年春二月己酉祔真宅于萬年縣龍首原謹書官次以納幽窆銘曰

幽丘而下曄曄圭組宜昌郟城仍

集作乃

代啓土平涼策勲

梓州懿文家謀德風儀刑薦紳時惟叔父祗服丕矩始仕宮卿乃從左輔周旋二畿坦坦安卑遵道而行不競于時修短奄忽今嗚呼涕洟崇岡美楨兮永識于茲

河南府洛陽縣主簿鄭君墓誌銘

穆負

鄭君諱約字某元魏中書令周小司空金鄉文公穆之七代孫皇朝東都留守京兆河南尹福建觀察使御史大夫

懿公叔則之冢子擢明經調大原府叅軍歷興平尉洛陽主簿娶范陽盧氏生二男未齧二女未笄春秋四十六貞元十年四月八日卒于東都尊賢里第十有一月某日從先君子萬安山陽哀哉君事先大夫以聞禮為業奉繼太夫人以無違為志孝也地貴門高蓋群從外姻歸之者如市身為冢嫡率以和氣煦其歡心行也不籍世資自求於古立也餘力學文會友藝也前者先大夫出入貴仕羽儀中朝君仲父季父皆以令名列於清貫赫奕高明之盛莫之與京既而季父陷于國讎先大夫薨於遐裔仲氏繼歿于位二夫人次夭于家君與諸父兄弟斬馬相從藐爾相吊曰昊天之不我卹也逮三年矣柰何聲未絕口而君又

往焉於戲積善餘慶之道信乎何其於始也信未及其終而欺繼之季弟納柔明而文次迫當室孔懷加等之外似有怨且懼焉謂負先公下賓仲季之執疏君景行俾勒臬局銘曰
人生盛衰如朝夕可歎繁華與凋落高門冠蓋昔如雲一旦吊賓何寂寞盛德之後仁所歸嗟嗟之子何福違我從先君終此山讓厥嘉祥貽後昆

長安主簿李君墓誌銘

權德輿

君諱少安字公和隴西成紀人自元魏僕射文穆公冲而下為西州冠族或位不克者必以令德聞曾祖仲進皇宣州司馬祖僑河南府澠池縣令父惜朝議大夫宗正丞贈

濮州刺史君即濮州第三子敏信寬綽篤於行義方舉孝廉偶為所親者遷遷字集作薦延授冀州阜城縣尉既非所好終

不屑就王黔中礎之持節廉問也表為推官轉支使歷左

武衛士集作曹曹參軍大理評事用誠直贊佐夷落之人宜

之府除至京師轉三元集作原是縣尉筦中書甲庫考績四俱

集作居上第遷長安主簿二陵復土之重比歲會輦轂之下

集作會同儲峙二字集作所蒞儲峙無遠典司廐置肅給安靜尹守

以為能方受集作授代而復表番一歲御史府集作司字察視者

數薦君自代君方勇於退故朝命未及焉元和三年三月

乙酉感疾不起於長安興化里第享年五十君溫仁孝友

喻義循理恢恢然有君子之度齒位皆屈而知者歎焉夫

人榮陽鄭氏太僕少卿叔規之女仁而不壽先是君元兄
柳州刺史捐館舍請君襄事間關勤遠間一歲有喀然之
痛喪服甫除俄啓手足噫以積善之家而叢不淑如是糾
纏之數其可問邪嗣子拭授等號奉輜車以夏五月景申
祔於東都潁陽縣之某原禮也音微未昧集作冰志義相倫
情殷中外年同甲子濡涕操管銘于墓門銘曰
族之盛兮才之令兮纔知命兮俄大病兮葬者藏兮穎之
陽兮誌丘荒兮杳茫茫兮

溫縣主簿韓君墓誌銘

柳宗元

有唐故溫縣主簿諱慎字某漢弓高侯其先也從集作于
南陽傳世至今唐侍中瑗集作瑗克用貞亮奮于國難侍中

兄子郢州刺史諱某某先御史著作郎諱某某生尚書庫
部郎中萬州刺史諱某嗣以文行大其家業君萬州長子
也以父任爲建陵挽郎累調授王府參軍相州襄陽尉至
于是邑貞元十六年又調于天官署河陽丞未拜十有一
日暴疾卒于長安永崇里先人之廬又十有一日龜筮襲
吉祔于咸陽洪瀆原先人之墓正集作禮也先三日外姻家
老謀爲之志季弟秦集作秦哀不能文故託於友焉嗚呼生
也以其弟之恭知君之爲友沒也以其弟之戚知君之爲
愛惟友愛出于孝移于忠施于人事無往不達故予集作余
得受其辭以書于石集作書于石曰
友而愛愛而忠忠而孝宜之十一字集止作友而愛而忠而孝之貌稱其行

行稱其詞賤受

集作而

不壽為善是悼祔于祖考初筮攸告

季也之純寘哀無垠終窶且貧控于仁人備物稱家其儀

式陳爰相其悲載刊

集作刻

茲珉

陸渾尉崔君墓誌銘

穆貞

崔君名涑字君易清河東武城人皇朝刑部尚書贈太傅

忠公隱甫之孫河南少尹微

唐世系表同一作微非

之子進士擢第

調同州叅軍陸渾尉生四十有三年以貞元四年冬十月

景子卒于洛陽毓德里之第丁酉從先尚書少尹于此丘

禮也崔族著明洎忠公德如其謚焯乎代之聞見其所憑

者厚矣惟先王之樂實祖考之世及君子之所以為構為

獲者加生知之力行之故其事親也以無間言無違志無

失色無過行其執喪也視禮經有加等而惡用吾情之歎

異夫古焉其蒞官也才無不器事至

一作主

以鋒致理者以

備群司陟明者以克首賦其會友也以晏平仲父敬子路

無宿諾植之為本而游夏之藝文嚮使錫厥永年被之貴

仕俾自家刑國以及生人未始涯也嗚呼才長命短古有

之矣君之所以墮諸公之淚使有餘恨者方見弟燕言之

次無分陰之疾如寐如息而不反焉夫人范陽盧氏令族

美行宜

一作而

為君之伉儷四子男曰某女孟仲季未笄未

弁初河南府君祥踰月夫人范陽縣君遠養又祥踰月君

繼天君長兄河南府君司錄叅君漑不勝其哀乃至謂其

身之存不若君之沒而無知也當無窮之若

疑作苦

如有知

也先人在焉託我友生銘其塚埏詞曰
有生有死彭殤同致德義為宗崇高匪貴雲收於山曷為
時雨嗟我哲人脩邛之上

鄭州新鄭縣尉安定皇甫君墓誌銘 梁肅

君諱某字某皇朝監察御史某之曾孫贈兵部侍郎某之
孫唐州長史某之第三子尚書左丞侁之愛弟歷葉聚祉
左丞又嗣以淳德義之門宜有仁人君生而冲茂聰悟孝
敬弱冠以明經登科始長安丞又轉新鄭尉性恬曠不甚
以祿仕為意避亂至江南以墳籍自娛謂論語二十篇有
夫子微言故嘗翫其章句以導情性非至德要道未嘗經
復老民不居其華孟軻言必仁義君子集作志也晚節多

病享年七十七以興元元年正月三日啓手足於嘉興
私第夫人博陵崔氏生一子曰攸號慕哀敬禮無違者左
丞嗣子兵部郎中政實營護喪事以前月三日權厝于某
鄉原不克及葬難故也郎中於予有鄉黨之舊泣書美行
見命誌之銘曰

溫良恭儉德之柄兮居常待終天之命兮卜葬從權變之
正兮

桓州真定縣尉獨孤君墓誌銘 前人

君諱正河南洛陽人皇朝光祿大夫河

集作洛後亦云洛南之禰南公

諱義順之玄孫故殿中侍御史潁川郡長史贈祕書監府

君集無此諱某之少子故常州刺史府君諱某之愛弟春

秋四十六大曆十一年某月日卒于晉陵郡明年某月日
歸葬于洛陽南先塋元兄水部員外郎兼侍御史汜銜天
倫之痛且懼陵谷之不可常也於是昭銘景行誌其墓曰
君之先出自劉氏漢世祖之裔有進伯者北征以師敗績
降匈奴因部易姓其後有永公羅辰臨川王永業魏齊二
代開國承家臨川生開府儀同三司武安公子佳洛南之
禰也歷代之崇業茂勲其餘祉於是有祕書之遺直常州
之厚集作茂德德美休裕叢滋于君君温恭集作良淑和孝友
慈仁居處進退非禮不動嘗謂學者義之府文者質之薄
故娛心典墳簡棄詞藝又謂干祿者躁之幾藏密者靜之
奧故反情樂道居易脩業少時解褐授真定尉非其所好

棄官不之晚節尚黃老慕禪味橐籥心懷夢幻生死端履

一室澹如也逮疾病

集無病字

或勸之藥君

集作石

曰命之不可

奈何雖有藥石將焉所施言未絕口嗒焉順化未婚無子
知者痛之嗚呼予嘗窺天人而考性命夭壽之數福極之
源蓋昏默而不可究已以獨孤君蘊純粹之質蹈淵騫之
行而生不躋艾服慶不植後嗣彼造物者以三壽百福與
何人哉先是君李氏之姊捐館其明年四月常州府君薨
反葬之日三喪俱引故親舊惋痛為善者相弔水部之哀
又其可既乎肅常辱常州之眷且與真定游文集無文字故備
其實錄刊于貞石銘曰

顯允君子德心廣兮與道為徒以蒙養兮桑扈反真泊然

往今刻石九原畢天壤兮

文苑英華卷第九百六十一



